

LA CARTA DEL APOSTOL SAN PABLO A LOS ROMANOS

Pablo ucheẽ mbesa mondo Roma jenda je

¹ Co aico co mbesa jẽje co. Se rei Pablo. Jesucristo rimba rei se. Dios que seirabo ra. Ucheẽ nenei nenei sacua. Dios que semingo icúe ra. Ucheẽ turã nenei nenei sacua. ² —Secheẽ turã tamondo mbia je, i que Dios cose ra. Ucheẽ nenei neneisa je ñee. Echeẽ ngue ique cote ra. ³ Dios cheẽ turã nandembiiranduchĩ Jesucristo riĩ cote. Dios riirĩ ndei Jesucristo. David riirina ngue tu íbii cote ra. ⁴ Jesucristo manonde, Espíritu Turã ngue embuquera ra. Dios quirãcuã je que embuquera ra. Dios riirĩ ndei Jesucristo. Nyebe Espíritu Turã embuquera nguiã. Mbia mbiirandu randu sacua Dios riirĩ ndese. ⁵ Dios turãte que ure je ra. Jesucristo riĩ. Nyebe ureirabo mingo nguiã ucheẽ nenei nenei sacua. † nda mbia mangue chooñoa jenda abe Jesucristo icua. † nda mbia mangue chooñoa jenda abe Jesucristo cheẽ mumbayã no. ⁶ Sã jẽ Jesucristo cheẽ jemumbayãte no. Sã Dios jẽirabo no. Jesucristo rimbarã. ⁷ Co ambesa mondo quia Rómaa jẽje co. Dios chesecua tuchi chõ jẽ nde. Dios que jemingo icúe uquiatorã nda. Nanderu chõ Dios re. Nandererecua chõ Jesucristo re. Sã ãquĩ turã mbei riqui jẽje. Sã ãquĩ ndiqui jembia tuchi.

Pablo oso sete raque Rómaa

8 —Jesús quiato tuchi chõ ãquĩ ndiqui re, i jate mbia quia jeniã ã. Mangue chooñoa jenda abe. Nyebe aico nguiã gracias i tuchi Dios je co. 9 Dios cheẽ asenei senei mbeite quia mbia je co. Eriirĩ niĩ. Dios resa rae aico embesa mbesa jẽje a. Aico ñee mbeite Dios je jeniã co. 10 Aico ñee ñee mbeite Dios je co. ĩnda Dios semondo jendea. Semondose mose ra aso jendea. 11 Seso sete raque jendea. Jembaaquiato quiato sacua Jesús rĩ. Jembirãcuã sacua Jesús rĩ. 12 Seso sete jendea. Ñimbiamos sacua nyiese. Nandeico tuchi sacua Jesús rui. Nande Jesús nandeicuate resẽ. 13 Taso jendea, ae beite rei que se quia ra. Taembaaquiato quiato Jesús rĩ, ae rei se. Eĩ nda Jesús jẽicua secheẽ nguire. Sã mbiamos Jesús icua tuchite secheẽ nguire no. Mbae seriquisã quisã mbeite. Nyebe asoã mbeite nguiã jendea. 14 Jesús cheẽ nenei nenei si ahuĩ aroneãte. Tasenei senei tuchi mbia ja je. Griego ja je. Mbiamos abe je. Eaquiato je. Eaquiatoã abe je. 15 Nyebe aico nguiã icoquiato co, Jesús cheẽ nenei nenei sacua jẽje. Roma jenda je.

Jesús cheẽ quirãcuã tuchi

16 Aireĩ ireĩ eãte Jesús cheẽ nenei nenei mbia je. Jesús cheẽ quirãcuã tuchi quia icue nguiã aba chiangui rĩ. Aba rirõ sacua mbae icua si. Judíos je rane ngue Jesús cheẽ quirãcuã nda. Judío eã je abe no. 17 Jesús cheẽ nandembiiirandu quia ã. Nande Jesús icua mose, Dios ra nandehi turã uquiatorã. Mbae turã mo nandesaã eãte raque. Ae Jesús icua quia nae, Dios ra ãquĩ isi turã tuchi. Ñquĩ nda siqui bei cote,

i ñi embesa ji re.

Mbia icuã tuchi Dios je

¹⁸ Ae siqui Dios rã eãte nae, ãquĩ nda Dios mbasi ja. Ae siqui icuãte quia nae, ãquĩ nda Ibatenda mbasi ja no. Ñquĩ nandecuãte quia nandeco. Ichõĩñosa reã ñee andu sereãte quia ñene. ¹⁹ Jirandu tuchi rei que Dios rese ra. —Eĩ ae chõnguiã co, i rei que Dios ee ra. Dios icua sereãte quia ñene. ²⁰ Dios rese mbia mae aroneãte raque. Dios quirãcuã ndese mbia mae aroneãte raque. Mbia ra Dios icua uchiangui re, echiao rese mae mae mose. Dios que mbae chao ja nyii ra. Aque mose bei mbia riqui mae mae Dios chiao rese co. Nyebe eriqui nguiã “Dios rese ureiranuãte”, i aroneãte. ²¹ Jirandu tuchi rei que Dios rese resẽ. Ñee turãyã tuchi chõchĩ Dios rĩĩ. Gracias iã ñochĩ Dios je. Nyebe eriqui nguiã ndua icuã icuã mbei. Nyebe eriqui nguiã itongui rĩ mbei. ²² “Ureaquiatute” ichõĩño ñochĩ equia ãquĩ. Eaquiatuã ño siqui nguiã ãquĩ. ²³ Hui tuchi que Dios si ra. Ae manoã mbeite quia, aque si. Sererecua i chõchĩ mbae ao ao ji je cote. Ae ra mano, ãquĩ je chõ eriquichĩ nguiã “sererecua”, i. Mbia raanguia je. Quiaa rĩnda je chõ eriquichĩ nguiã “sererecua” i. Ae mbebe quia. Ae uchã nguia. Ae nguata quia nguie rese. Ñquĩ je chõ eriquichĩ nguiã “sererecua” i.

²⁴ Nyebe Dios hui nguiã esi cote. Mbae icuã naa naa mbei sacuã cote. ²⁵ Ñee ñooño tuchi Dios rĩĩ cote. “Nandererecua” i chõchĩ Dios chiao je cote. “Nandererecua” i rocoĩ Dios mii je. “Nandererecua” i bei chõ mbichĩ aba quia Dios mii je. Amén.

26 Nyebe Dios erecha ja nguiã cote. Oco chooño sacua mbae icua ndese. Ubi icua ndese. Cuña mo oco oco nyiese si. Cuña ngu raã naa cuña nongue je. Siqui rocoĩ ngu rese. 27 Hombre mo abe hombre nongue mo osei osei. —Seninisirã nde, i ñee ñee uchue si. Oco oco nyiese. Siqui rocoĩ ngũinisi rese. Icha tuchi Dios si. Nyebe Dios riqui nguiã embasi tuchi co cote.

28 Dios rese jirandu sereã. Nyebe Dios hui nguiã esi. Siqui bei bei sacua ubi icua ndese. Nyebe eĩ eĩ nguiã nyue mbae icua ndese. 29 Eicua tuchi eriqui ũquĩ. Ico chooño tuchi equia cuña ndese ũquĩ. Ndua ndua icua mbei tuchi equia ũquĩ. —Aque rã nda se chã, i beite equia emo mbae je ũquĩ. Mbia mbasi chooñote equia ũquĩ. Mbaecha ucuayã ñooño tuchi equia ũquĩ. Mbia iquia iquia chooño tuchi equia ũquĩ. Paama i chooñote equia uchue ũquĩ. Mbia mbiirĩ irĩ ñote equia ũquĩ. Mbia ucuayã ñooño mbeite equia ũquĩ. 30 Ñee ñooño mbeite equia mbia mo ni ũquĩ. Dios ucuayã tuchi equia ũquĩ. Ñee icua icua mbeite equia aba cheẽ ndibishorõ ũquĩ. Ucuasu raã naa ñooñote equia ũquĩ. “Se quiarei i tuchi”, i beite equia ũquĩ. Emo mbiicua icua mbeite equia ũquĩ. Ngu cheẽ mumba mumba chooñote equia ũquĩ. Usi cheẽ abe mumba mumba chooñote equia ũquĩ. 31 Eaquiatuã tuchite ũquĩ. Ucheẽ mumba mumbate ũquĩ. Emo je eturã eãte riqui ũquĩ. Emo icua si eriqui tesareiate ũquĩ. Eya eã eãte riqui emo ndese ũquĩ. 32 —Ae ũquĩ saã saã nguia mbae icua nae, ũquĩ nda amondo tata cuasu, i que Dios ra. Dios cheẽ icuare quiatu eriqui

nguiã mbae icuã naa i ite. —Sã emo abe mbae icuã naa naa nandechabe, i chee chee.

2

Dios mbia cuata tea ja

¹ —Dios ra ãquĩ mbasi rã ña, erechĩ nda ãquĩ mbia icuã je. Nde i mose, nde abe ra nde icuã nyecua mbia je. —Seturãte aico co, jerechĩ nda jê! —Ãquĩ ndiqui mbae icuã naa naa ãquĩ, nde i mose, ãquĩ icuã sí chõ eresaã saã nguiã nde abe aque. ² —Ae ãquĩ icuã saã saã nguia, ãquĩ tambasi, i mose Dios, Dios ra embasi chooño eã. Maende erese quia ra embasi. ³ —Dios ra ãquĩ mbasi rã ña, erechĩ nguiã huee. Eraã sí tuchi chõ ereicochĩ nguiã ãquĩ sí raã naa aque. Nde abe ra Dios nembasi ãquĩ ndese resẽ. ⁴ Dios ia eãte raque aba icuã ndese. Dios aba mbasi jei eã ndaque aba icuã mosebe. Ñimbirãcuãte aba icuã je. Coche ñene, ereã ñochĩ Dios chimbirãcuã mose ndeje. —Eyayã jé nda huiãcuã ndese chã, i Dios quia nderĩ co. Nyebe eriqui nguiã ñimbirãcuã nde icuã je. ⁵ Ndechĩã ãtã tuchi chõchĩ. Ndeico sereã tuchi chõchĩ Dios rui. Nde icuã eremunua tuchi chõ nguia aque re. Dios nembasi nonde. Dios mbia icuã mbasi ja mose ra nde abe mbasi. ⁶ Aque mose ra Dios mbia mbuchao chao. Emo emo nda emondo tata cuásuu. Emo emo nda emingo bei no. ⁷ Ae eturã mbeite riqui, ãquĩ nda Dios mingo bei. Nyoĩ sete quia Dios rea re. Siqui bei serete quia mbia mingo beisa rese re. Nyebe ra Dios emingo bei cote. ⁸ Dios ra paama i tuchi mbia icuã je. Mbasi tuchi rae. Mbiambicuãsa tuchi quia ãquĩ nde. Dios cheẽ

mumbate quiatu nguiã. Nyebe ra Dios embasi tuchi. ⁹ Ae siqui mbae icuã ndese, ùquĩ ja ra Dios mbasi. Judíos icuã nane nda embasi. Judíos eã abe ra embasi no. ¹⁰ Ae siqui mbae turã ndese, ùquĩ je ra Dios turã mbei. Judíos turã nane. Judíos eã abe cote. Mbia ra ùquĩ turã icua tuchi. Dios ra ùquĩ mbia tuchi. ¹¹ Co quiatu, i eã nda Dios mbia mo mii je. Mbia mii ndese ra ebia eã. Mae turã ja chõ nda erese.

¹² Ae jirandu eãte Moisés chimbresa rese nae, ùquĩ siqui icuã mose ra Dios embasi. Jirandu eãte raque Moisés chimbresa rese. Ae Moisés chimbresa icua nae, ùquĩ siqui icuã mose ra Dios embasi. Moisés chimbresa cheẽ nguire ra Dios embasi. ¹³ Ae Dios cheẽ ñandu chooño nguia nae, “taëisi turã” iã nda Dios ùquĩ je. Ae Dios cheẽ mumbayã nguia nae, ùquĩ nguiatu ra Dios isi turã. ¹⁴ Ae judíos eã nae, ùquĩ Moisés chimbresa ñandu eã mbeite raque. Ùquĩ mo ae siqui turã turã mbei mbae turã ndese. —Mbae turã nandesaã, ite eicua. Dios cheẽ andu eãte raque emo mose. ¹⁵ Ae ae chõ mbae turã icua nguiã. Mbae icuã abe icua. Mbae icuã naa mose, “eicua asaã ñochĩ”, i tuchi eicua uchiangui re. Mbae turã abe raã mose eicua tuchi uchiangui re no. ¹⁶ Aque mose ra Dios ñee Jesucristo je. Ae icuã mbia saã nyecuayã cuayã nguia nae, ùquĩ nda Jesucristo mbuchecua ja cote. Jesucristo ra mbia icuã mbasi mbae icuã nii cote.

Judíos Moisés cheẽ mumba mumba

¹⁷ —Judíos chõ ure re, jenye equia ùquĩ. — Moisés chimbresa ra nandemingo bei, jenye chõchĩ equia ùquĩ. —Dios quiarei ebia tuchi ure mii

ndese, jenyē chōchĩ equia ũquĩ. ¹⁸ Ae Dios bite nae, ũquĩ jēicuate quia jē ũquĩ. —Moisés cheē ureicuate quia ā. Nyebe mbae turā ureicua jate quia ā, jenyē chōchĩ nguia ũquĩ. ¹⁹ —Ure mĩ ño ñeenda Dios icha ureicuachĩ, jenyē bei chōchĩ equia ũquĩ. —Itondaru jenda uretesaete, jenyē chōchĩ equia ũquĩ. ²⁰ —Mbia aquiatuā urembaaquiātu quiātu, jenyē chōchĩ nguia ũquĩ. —Mbia aracuayā urembaaquiātu quiātu, jenyē chōchĩ nguia ũquĩ. Jē Moisés chimbesa jēicua aba reāte quia ũquĩ. —Moisés chimbesa ñee ñooño eāte, jenyē raque quia eicua ũquĩ. ²¹ Jē aracuayā mbia jembaaquiātu quiatuchĩ nguia. ¿Mbaerā jeñimbaaquiātu iā jē nyii re? —Mbae ra jembuquiachāchĩ, jenyē chōchĩ equia ũquĩ. Jē sí chō mbae jembuquiachā nguia ũquĩ. ²² —Emo ninisi rese ra jēingochoĩ, jenyē chōchĩ equia ũquĩ. Jē sí chō jēingo nguia emo ninisi rese ũquĩ. —Ae je mbia riqui “Dios” i chooño nae, ũquĩ ndese ra jēingochoĩ, jenyē chōchĩ equia ũquĩ. Dios abareā mbae jembuquiachā quiachā ñochĩ nguia ũquĩ. ²³ —Dios cheē ureicua tuchi quia ure ā, jenyē chōchĩ equia ũquĩ. Jē sí echeē jemumbate quia ũquĩ. Nyebe mbia riqui nguia ñee turā eāte Dios rĩ ā. ²⁴ Nyebe embesa ji cheē ndiqui nguia ique ā cote. Jē Dios cheē mumba mose, judíos eā ndiqui ñee icuā tuchi Dios rĩ ā.

²⁵ Coche circuncisión jēsaā saā nguia Dios je, jēingo bei mose Dios cheē ndese. Jēingo eā mose Dios cheē ndese, circuncisión naa eā naanguia chō jēingo nguia ũquĩ. ²⁶ Ae circuncisión saā eā nguia nae, ũquĩ siqui mose Dios cheē ndese, circuncisión

naande raanguia chõ eriqui nguiã ãquĩ. ²⁷ Ae circuncisión saã eã nguia nae, ãquĩ siqui mose Dios cheẽ ndese, Dios ia tuchi chõ ãquĩ ndese re. Eyare rocoĩ jendese. Jẽ nguia Dios cheẽ jemumba mumbate nguiã. Dios cheẽ jẽicuate raque. Circuncisión jẽsaã saãte raque. ²⁸ Ae judíos Dios cheẽ mumba mumba quia nae, judíos tuchi eã ño ãquĩ nde. Circuncisión naa naa ndaque. Ae circuncisión saã nguia nae, ãquĩ siquíã mose Espiritu Turã ndese, circuncisión turã eã ño ãquĩ nde. ²⁹ Ae Dios isi tuchi quia uchiangui re, ãquĩ nguiarei judíos tuchi. Ae siqui Espiritu Turã ndese, circuncisión tuchi chõ ãquĩ cote re. Ñquĩ je ra mbia achõ ñee turã eã. Dios abe quia ra ñee turã ee.

3

¹ ¿Mbaerã judiorã sete riqui mbia re? ¿Mbaerã circuncisión sete riqui mbia re? ² Eaturãte quia mbia je re. Judíos je quiatu ngue Dios ucheẽ mondo nguiã. Mbiamo je eã. ³⁻⁴ Judíos mo hui hui raque Dios cheẽ si. Dios quia ra ñee ñooñoã mbei. Echeẽ nguia ra io bei. Mbiamo hui hui raque esi. Mbiamo ñee ñooño ndaque. I ñi embesa ji re:

Ndecheẽ nda io tuchi mbia resarae.

Mbia icuã mose ndeje, nde quia ra ere tuchi mbia si,

i que embesa ji ra. ⁵ Jemo ngue ñee no nda: —Dios turãte riqui nandecua je co. Mbae icuã nandesaã saã mbei chõ nguia. Mbiamo mae sacua Dios turã ndese. Dios nandecua mbasi mose, Dios icuate, i chõchĩ jemo. ¿Mañi nande ra ãquĩ ñee mose re? ⁶ Ichõiño tuchi chõ ãquĩ nde. Dios icua

aroneãte. Dios icuã mose, eĩ nda Dios mbia icuã mbasi aroneãte rei. ⁷ Jemo ngue ñee ño nda. — ¡Nandechē ñooño ño nguia jē! Nandechē ñooño mose, mbia ra ñee turã Dios ríí. “Ñee ñooñosa reã tuchi quia Dios riqui re,” i ra mbia Dios ríí cote. Nyebe Dios riqui nguiã nandembasi áte nandechē ñooño mose, i chōchĩ jemo. ⁸ —Mbae icuã nandesaã saã ño. †nda Dios turã nyecua mbia je, i chōchĩ jemo. Urecheē áte ure ũquĩ ndesē. Ae ñee nguia ũquĩ, ũquĩ nda Dios mbasi.

Mbia mo eturã eãte

⁹ Judíos chō nande re. ¿Nandeturã nda eriqui reĩ mbia mo si re? Tei. Nandeturã eã ño esi re. Nandēicuã ja chō ñene. Judíos eã icuã ja chō ñene. Judíos icuã ja chō eno nde. ¹⁰ † ñi embesa ji re:

Emo eturã eãte. Aque mii mo eã.

¹¹ “Dios icha taicua”, iãte emo.

“Dios rese taico”, iãte emo.

¹² Mbia que icha icha jate Dios si ra.

Eicuã jate que eriqui ra.

Emo mbae turã mo saã eãte.

Aque mii mo eã.

¹³ Ũquĩ quiarei mbia raaque tã tãsa rã.

Aba mbia eã.

Sã eriqui ñee icuã mbei.

Mbia mbiĩrĩ irĩ tuchi ñee ñooño uchuru je.

Mbei rasi rã ño echeē nde.

Aba mbasi.

¹⁴ Echeē icuã achō tuchi chō ñene.

Mbia mbiĩcuãsa tuchi chō echeē nde.

¹⁵ Mbia iquia chooño ño ñene.

¹⁶ Mangue chooñoa ño eriqui nguiã mbae icuã naa naa.

Mbia mbiayã ñooño.

¹⁷ Ico chooñoa mbei mbia je.

¹⁸ Dios rese ndua eã tuchi, i ñi embesa ji re. ¹⁹ Dios que Moisés chimbese mee ja judíos je ra. Embesa ji mumbayã sacua. Mbia huicua icua ja sacua. —Dios cheẽ nandemumba tuchi chõ nguia re, i nda mbia ja chã. ²⁰ Emo ñee aroneãte. —Embesa ji amumbayã mbeite quia co. Nyebe ra Dios seisi turã, i aroneãte emo. Dios que Moisés chimbese mee mbia je ra. Mbia huicua icua ja sacua.

Dios icuasa quia ra siqui bei

²¹⁻²² Dios que Jesús turã teacuquia nande je cote ra. Ae que mano nandeicua ndiquicharõ sacua nda. Nande Jesús icua mose, Dios ra nandesi turã cote. Eĩ ja chõ Dios mbia je re. Dios bia eã ño mbia mo mii ndese. —Jẽ Moisés chimbese mumbayã mose, taësi turã, iãte Dios. —Jẽ Jesús icua mose, uqui mose quiatu ra jaësi turã, ite Dios. Embesa ji ñiinda abe que ñee ñee Jesús rii nyii no nda. ²³ Nandeicua ja chõ ñene. —Aque eturãte, iã nda Dios nandemo je. ²⁴ Nandeicua te raque. Dios quia eturãte nande je re. —Mbae mo jemondo jëicua ndibishorõ, i ãte Dios. Jesucristo que mano nandeicua ndibishorõ ndesẽ. Nyebe Dios riqui nguia mae turã nanderese co. ²⁵ Dios que Jesucristo mondo mbia je ra. Mano sacua mbia icua ndiquicharõ. —Jesús que mano seicua ndibishorõ nda, nande i mose, uqui mose ra Dios nandemingo bei. Dios que mae ñooño mbia icua ndese nyii ra. —Seriirĩ nguia ra mano nguia eicua ndiquicharõ, i que ra. Echeẽ ngue ique cote ra.

Dios uturã ndeacuquia mose que echeẽ ique cote ra. ²⁶ Dios riirĩ ngue mano mbia icuã ndiquicharõ nda. Mbia mae sacuã Dios turã ndese. Dios turã mbeite. Mbia icuã isi turã nonde. Mbia Jesús icua mose ra Dios mbia isi turã.

²⁷ Nande ae ra nandeicuã nandembutiã eã. Dios ae quia nandeicuã mbutiã nguiã, Jesús icua mose. Nyebe nandeico nguiã nandecuasua raã naa aroneãte. Moisés chimbese que nandemumba mumbate quia resẽ. ²⁸ Mbia Jesús icua mose, a que mose quia ra Dios mbia isi turã. —Taëisi turã, jẽ Moisés chimbese mumbayã mose, iãte Dios nande je. —Jẽ Jesús icua mose, ãquĩ mose quiatu ra jaëisi turã, ite Dios nande je. ²⁹ Judíos achõ nderecua eã ño Dios re. Judíos eã abe rerecua chõ ñene. ³⁰ Emo abe eãte Dios. Dios mi ño ñene. Ae Jesús icua quia nae, ãquĩ nda Dios isi turã ja. Judíos abe isi, Jesús icua mose. Judíos eã abe isi, Jesús icua mose no. ³¹ Nande Jesús icua mose, Dios cheẽ mbesa ji riqui ua eã mbeite nande je co. Nande Jesús icua mose, Dios cheẽ nda nandemumbayã tuchi cote.

4

Abraham abe Dios icua

¹ Nandendua mbirĩ na Abraham ndese. Nandei ñiinda tuchi quia Abraham nde. ² Cose que Dios Abraham isi turã nda. Abraham mbae turã naa naa eã mose que Dios eisi turã nda. Dios icua mose quiatu que Dios eisi turã nda. Nyebe Abraham uturã naa naa aroneãte nguiã. ³ I ñi embesa ji re: Abraham ngue Dios icua ra. Nyebe Dios eisi turã nguiã,

i ñi embesa ji re. ⁴ Sã emo ndiqui quiei quiei emo je no. Mbae mo ndibishorõ. Ae echa mondo quia ee, mondochõ eã ño nguiã ee. Embae raã naa ndibishoronda chõ ãquĩ nde. Eĩ eã ño Dios re.

⁵ Dios chõ mbia icuã isi turã nguiã. Emo Jesús icua mose, ãquĩ nda Dios isi turã. Emo mbae turã naa naa eã ndaque. Jesús icua mose, aque mose chõ Dios “ndeturãte seje,” i ee. Mbae turã naa naa eã ndaque. ⁶ David abe que ñee nda: “Ae je Dios ñee, ‘ndeturãte seje,’ i mose ee, aque ia tuchi chõ ñene. Mbae turã naa eã ndaque. Dios icuate quia ñene,” i que David ñee nda. ⁷ Co rei David chimbese co:

Ae icuã Dios mbutiã nae, ãquĩ ia tuchi chõ ñene.

⁸ Ae icuã ndese Dios riqui mae ãte nae, eicuãte raque, Dios ra eisi turã.

Ãquĩ ia tuchi chõ ñene,

i ñi David chimbese re. ⁹ ¿Aba icuã ño nda Dios mbutiã ña? Embia sacuã ña. ¿Judíos icuã achõ nda embutiã nde? ¿Ae circuncisión saã nae, ãquĩ achõ icuã nda embutiã nde? Tei. ãquĩ achõ eã ñene. Abraham Dios icua mose, aque mose tuchi chõ Dios eicuã mbutiã nguiã esi. ¹⁰ Abraham circuncisión naa eã mose chõ Dios eicuã mbutiã nguiã. Circuncisión naa nonde. ¹¹ Abraham Dios icua mose chõ ngue Dios eicuã mbutiã nguiã. Aquere quiatu ngue Abraham circuncisión naa nguiã cote. Circuncisión ndei marca Dios mbae. Dios Abraham isire chõ circuncisión naa nguiã Abraham je. —Abraham ngue aisi turã nda, i ñe Dios re. Ae circuncisión saã eã nae, ãquĩ abe chõ “seru” i nguiã Abraham je, Jesús icua mose. ¹² Ae circuncisión saã nae, ãquĩ abe chõ “seru” i nguiã

Abraham je, Jesús icua mose. Ñquĩ ny#cua chõ Dios re. Sã Abraham ny#cua Dios no. Circuncisión naa eã mose no.

Abraham Dios icua mose, Dios ucheẽ mbuchebiã mbei ee

¹³ Dios que ñee Abraham je cose ra. —Ibi tamondo ja ndeje nembraerã. Nderiirĩ mbaerã abe no, i que ee ra. Secheẽ mumbasa reã je chõ ibi tamondo, iã ño Dios re. —Ae seicua quia, aque je chõ tamondo, i que Dios Abraham nĩnda. ¹⁴—Nandeico bei mose Moisés chimbesa rui, aque mose ra Dios nandemingo bei, i chõchĩ judíos mo. Ñquĩ mose quiatu ra nandeico rei Jesús icua chooño. Ñquĩ mose quiatu ra Dios cheẽ ique ãte rei nande je. ¹⁵—Ã jësaã saã, i mose Dios, emo echeẽ mumba mose, ñquĩ nda embasi. —Ã jësaã saã, iã mose, emo nda embasiã cote.

¹⁶ Dios turãte quia ñene. Nyebe eriqui nguiã mbae mondo chooño nande je eicua mose. Judíos achõ je eã ño eriqui nguiã mbae mondo mondo. Judíos eã je abe chõ eriqui nguiã mbae mondo mondo, Dios icua mose. Sã Abraham Dios icua no. Sã Dios mbae mondo mondo ee no. Nyebe nandeico nguiã “nanderu” i Abraham je co. Ae rane nguiatu ngue Dios icua nguiã. ¹⁷ Nyebe embesa ji riqui nguiã i:

Dios que ñee Abraham je ra.

“Nde ra mbia i tuchi.

Ibi jenda ja i tuchi ra nde”, i que Dios Abraham je ra,

i que embesa ji ra. Dios ra mbia mangue chooñoa jenda ja isi turã, Jesús icua mose. Dios cheẽ sí tuchi chõ ã nde. Dios ae mbia raaque mbuquera nguiã.

Ae emoãte namo nae, Dios ae ra ũquĩ nyao no. ¹⁸ — Nderiirina tamee ndeje. Eretiirĩ nda cote. Mbia ja i ra nde cote, i que Dios Abraham je ra. Abraham ngue “nyia, eno”, i Dios cheẽ mose ra. Amei tuchi raque. Tiirĩ aroneãte raque aba je. ¹⁹ Amei tuchite raque. Cien añote raque. Eninisi abe arite raque. Eninisi rie chuumate raque. —Dios ra seriirina mee seje ucheẽ nguire, i que Abraham nda. — Ureimate nyeresẽ. ¿Mañi nda Dios ureriirĩ mee ure je re? i ãte que Abraham nda. ²⁰ Abraham ngue “nducuã” iã mbeite quia Dios cheẽ mose ra. “Nyia, eno”, i beite que equia Dios cheẽ mose ra. Ñee turã mbei que equia Dios rĩ nda. ²¹ —Dios quirãcuã tuchi quia ñene. Ae ra ucheẽ nyabiã mbei ñeende seje, i que Abraham nda. ²² Nyebe Dios Abraham isi turã nguiã. —Abraham ndiqui seicua tuchite co, i que Dios ra. ²³⁻²⁴ Abraham mii je eã ño Dios riqui nguiã ñee. —Abraham seicuate. Nyebe aico nguiã eisi turã co, i que Dios ra. Abraham mii je eã ño embesa ji riqui nguiã ñee. Nande abe je chõ eriqui nguiã ñee. Nande Dios icua mose, Dios ra nande abe isi turã. Dios sí que Jesús raaque mbuquera ra. ²⁵ Dios que Jesús mbu íbii nande je ra. Mano ngue nandeicua ndiquicharõ nda. Aquere que Dios embuquera si cote ra. Nandembitirõ sacua ngue Dios embuquera ra.

5

Nande Jesús icua mose, Dios riqui nandeisi turã

¹ ã nandeico Jesucristo icuate ã. Nyebe Dios riqui nguiã nandeisi turãte cote. Nyebe Dios riqui nguiã nandembiate cote. ² ã nandeico Jesucristo

icuate ã. Nyebe Dios riqui turãte nguiã nande je co. Dios turã tuchi. Dios ra nandemingo Jesucristo rã si tuchi cote. Ûquĩ ño nandesaarõ arõ nguiã ã. ³ Ûquĩ mii eã ño nandembia nguiã. Mbia icuã icuã ndaque ra nande je, ùquĩ mose abe chõ nda Dios nandembia no. Mbia icuã icuã mose nande je, Dios ra nandechiã mbucoi turã. Nandeico tochi sacuã. ⁴ Nandeico tochi mose, Dios ia tuchi ra nanderese. Dios ia mose nanderese, Dios cheẽ nandesaarõ arõ na. Sã echeẽ ique rã nande je. ⁵ Nande Dios cheẽ ndaarõ arõ mose, ae ra ucheẽ nyabiã. Ae quiatu ngue Espiritu Turã mondo nguiã nande je. —Dios riqui nyesequate jendese co, i Espiritu Turã nguia nande je co.

⁶ Mbae turã ngue nandesaã aroneãte nandechue, aque mose que Cristo mano nande je ra. Nandeicuã mbitirõ sacuã. ⁷ Mbia mo mano aroneate emo ndibishorõ. Nande turã mose, aque mose abe ra emo mano aroneãte nanderibishorõ. Eturã tuchi mo ndibishorõ nguia emo mano sete raque reae. ⁸ Cristo quiatu que mano nanderibishorõ nandeicuã tuchi mose ra. Nyebe nandeico nguiã ñee: —Dios riqui nyesequa tuchite nanderese co, i. ⁹ Cristo mano mose que nandeicuã mbitirõ cote ra. Ae ra nandemingo icúe Dios mbia icuã mbasi mose. ¹⁰ Dios riiĩ ngue mano nande je ra. Nande Dios ucuayã mose. Ae quia ngue eturã mbeite riqui nguiã nande je. Dios que “sequiatorã jẽ”, i nande je cote ra. Nyebe ra nandeico tuchi erese cote. Jesús quiatu ngue quera sichĩ nguiã nande je cote. ¹¹ Nyebe nandeya tuchi riqui nguiã Dios rese co. Jesucristo riĩ. Jesucristo quiatu ngue mano nguiã nande je.

Adán na eã tuchi chõ Jesucristo re

¹² Mbia mii nane ngue siqui nyii ra. Aque rane ngue mbae icuã saã nande je ra. Nyebe mbia icuã jate riqui nguiã cote. Nyebe Dios riqui nguiã ñee. —Mbia ra mano ja, i cote. ¹³ Mbia que mbae icuã saã saã ndei quia nyii ra. Moisés Dios cheẽ mbesa nonde. —Dios cheẽ ngue jemumbachĩ nda, i aroneãte que aque mose ra. Dios cheẽ mbuchecua iriãte quiatu ngue aque mose re. ¹⁴ Adán nane ngue Dios cheẽ mumba cose ra. Aque mose bei chõ ngue mbia mbae icuã naa naa nguiã cote. Nyebe mbia riqui nguiã mano mano ja huicua mose cote. Moisés que Dios cheẽ mbesa chee ra. Moisés embesa nonde que mbia mano mano ja huicua mose ra. Jesucristo rã eã tuchi chõ Adán nde.

¹⁵ Adán nane tuchi que mbae icuã saã nda. Jesucristo quiatu que mbia rirõ nguia mbae icuã si ra. Adán mbae icuã naa mose, aque mose bei que mbia mano mano cote ra. Jesucristo mbae turã naa mose, ae que mbia icuã mbitirõ tirõ cote ra. Dios turã ñi. Jesús chisaã nguia rei Adán chisaã na eã tuchi. ¹⁶ Adán ae rane ngue mbae icuã saã cose ra. —Mbia ra mano mano ja cote, i que Dios cote ra. Adán icuã ndese maende. Ae Adán saã icuã nande je nae, aque je que Jesucristo mano nda. Jesucristo turãte que mbia je cote ra. Nyebe Dios riqui nguiã nandeisi turã, nandeicuã ndese mae ndocõ. ¹⁷ Adán ae que mbae icuã saã nyii ra. —Mbia ra mano mano ja cote, Adán mbae icuã naande, i que Dios cote ra. Jesucristo ae que mbae turã saã mbia je cote ra. Mbia icuã mbutiã sacua esi. Ae Jesús turã icua quia nae, ãquĩ nda Dios

mingo turã mbei, ùquĩ icuã ndese mae ndocoĩ.

¹⁸ Adán ae que mbae icuã saã nyii ra. —Mbia ra mano mano ja cote, i que Dios cote ra. Adán icuã ndese maende. Aquere que Jesucristo mbae turã naa mbia je cote ra. Mano nguiatu ngue mbia riquicharõ nde. Nyebe Dios riqi nguiã nandemingo bei co cote. Jesús rĩ ae ñene. ¹⁹ Adán Dios cheẽ mumba mose, mbia mbĩicuã ja que ùquĩ cote ra. Jesucristo Dios cheẽ mumbayã mose chõ mbia tubiriã mbuturã nguiã no. ²⁰ Dios que ñee Moisés je ra. —Secheẽ embesa mbia je, i que ee ra. †nda mbia jirandu tuchi huĩicuã ndese. Mbia icuã i i tuchi mose, eĩ ño Dios turã i i tuchi mbia je no nde. ²¹ Adán mbae icuã naa mose, mbia mbĩicuã ja chõ ùquĩ nde. —Mbia ra mano mano cote, i que Dios cote ra. Jesucristo que mano nandēicuã ndiquicharõ cote ra. Aque mose que Dios uturã ndeacuquia tuchi nandē je cote ra. Nandembuturã sacuã cote. Nandemingo bei sacuã cote.

6

Nandeyasu chõ nandēico nguiã ã cote

¹ ¿Mañi nande ra cote re? ¿Mbae icuã nda nandesaã i i re? ¿Dios turã i i sacuã nande je re?

² Tei. Dios biãte ùquĩ. Jesús rese que nandemano ndesẽ. Nandemano ngue mbae icuã naa eã sacuã ndesẽ. ¿Mañi nande ra mbae icuã naa naa si re?

³ ¿Jẽiranuãte bautizar i rese re? —Jesús resenda tuchi chõ ùquĩ ndiqui re, i nda mbia bautizar ire nande je chã. Nande bautizar ire, nandemanonde raanguia chõ ùquĩ nde. Mbae icuã naa eã sacuã cote. ⁴ ¿Mbaerã ño bautizar nande chã? —Amano

ngue Jesús rese ra, i chõ bautizar i re. —Seati que Jesús rese ra, i chõ bautizar i re. —Dios que sembuquera si Jesús rese ra, i chõ bautizar i re. Sã Dios quirãcuã Jesús mbuquera eraaque mose no. Eĩ nande chõ siqui nandeyasu ae.

⁵ Nandeico Cristo rese ã. Nandemano mose Cristo rese, nandereco yasu chõ nandeico nguiã erese ã. ⁶ Cristo mbucha mose ira rese, nandeicuã abe que Dios mbucha ira rese ra. Nande mbae icuã osei chiã sacuã ño ãquĩ nde. Mbae icuã nimba nda nandeico eã cote chã. ⁷ Mbia raaque quia mbae icuã saã aroneãte nguiã. Eĩ nande chõ nguiã mano mose Cristo rese ã. Mbae icuã naa aroneã. ⁸ Nandemano mose Cristo rese ira rese, nandemingo bei ra uchiese cote. Ae rã si. ⁹ Cristo que mano nda. Quera si que cote ra. Aquere ra mano siã cote. ¹⁰ Aque mi ngue Cristo mano mbia icuã je ra. Quera si que cote ra. Mano si eã ndae. Siqui bei equia Dios rese co. ¹¹ Jendaaque chõ jësaã saã mbae icuã je. Jenderecuarã eã mbae icuã cote. Jesucristo rese nandeico tuchite ã cote. Mbae yasu rã ño nandeico nguiã Jesucristo rese ã cote.

¹² ¡Mbae icuã ndese ra jëingochĩ jenderecuarã jë! Jë mba e icuã osei mose, ¡jêteachõ ño jë! ¹³ ¡Jendete ra jemee mee chĩ mbae icuã je jë! Dios je quia jendete jemee. Mbae turã naa sacuã. Cristo rese que jemano ndesë. Jëyasu chõ ngue jëquera si Cristo rese resë. ¹⁴ Nandererecuarã eã nda mbae icuã cote. Moisés chimbesa rui eã ño nandeico nguiã ã cote. Dios turã ndui ae chõ nandeico nguiã ã cote.

Mbae turã nimba chõ nandeico cote

15 Dios turã ae nandemingo nguiã. ¿Ûquĩ mose ra mbae icuã nandesã saã nde? Tei. Dios biãte ùquĩ. 16 Nande nandechimondo mose mbae icuã je, mbae icuã nda nandererecuarã cote. Mbae icuã nda nandeiquia chee cote. Nande nandechimondo mose Dios je, ae ra nandererecuarã cote. Ae ra nandemingo bei mbae turã ndese cote. 17 Jẽingo bei que mbae icuã ndese jenderecuarã nyii ra. Mbia Jesús cheẽ nenei nenei mose jẽje, jẽisi turã ño ngue cote ra. ã jẽingo echeẽ mumbayã ã cote. Nyebe aico nguiã gracias ite Dios je co. 18 Dios que jendirõ mbae icuã si cote ra. Mbae icuã ndese ra jẽingoã cote. Mbae turã ndese bei ra jẽingo cote. 19 Secheẽ ambuchecua tuchi quia jẽje co. Jẽ eicua tuchi sacuã. Jendete que jemondo tuchi mbae icuã je nyii ra. Jẽ ngue jẽingo i i tuchi mbae icuã ndese nyii ra. Jendete jemondo Dios je cote. Mbae turã naa i i sacuã cote.

20 Mbae icuã mbaerã ño jẽingo nguiã cose. Mbae turã ngue jẽsaã aroneãte quia aque mose ra. 21 Jẽireite mbae icuã naa naande cote. Jenyisaã saã mbae icuã ñiinda, ùquĩ ngue mbae turã mo mondo ãte jẽje resẽ. Ae mbae icuã saã i ite quia, ùquĩ nda mano. 22 Dios que jendirõ mbae icuã si cote ra. Dios rimba chõ jẽ cote re. Nyebe Dios jemingo nguiã icúe mbae icuã si. Nyebe ra Dios jemingo bei ibate manõde cote. 23 Ae mbae icuã saã saã nguia nae, ùquĩ nda Dios mbasi bei manõde. Ae Jesucristo icua quia nae, ùquĩ nguiatu ra Dios turã mingo bei. Mbae turã naa eã ndaque. Dios turãte quia ee re.

7

Eraaque rã ño nandeico nguiã Moisés chimbese je cote

¹ Sã jenderecua ibi jenda mo no. Echeẽ jemumba aroneate no. Jemano mose, jenderecuayã nda cote. ² Sã cuña mo ndiqui ngu rese no. Cuña mo ngu rerequia mose, sã eriqui bei erese. Eru mano mose, aque mose ramo nda siquiã erese cote. Aque mose ramo nda ae ae riqui cote. ³ Ngu reco mose, siqui aroneãte emo ndese. Siqui mose emo ndese, Dios cheẽ mumba chõ ãquĩ nde. Eru mano mose, aque mose quiatu ra ngu mo ndea cote. Dios cheẽ mumba eã ño ãquĩ nde.

⁴ Eraaque rã ño jẽingo nguiã Moisés chimbese je ãquĩ cote. Cristo quiatu que mano jeniã nda. Quera si que jeniã no nda. Cristo rese chõ jẽingo nguiã ãquĩ cote. Dios je mbae turã naa naa sacua ño jẽingo nguiã erese ãquĩ cote. ⁵ Nandeico mose mbae icua ndese nyii, mbae icua achõ ño ngue nandehosei chosei quia aque mose ra. Nandebi tuchi que Dio s cheẽ mumba mumba aque mose ra. Nyebe que nandeico mbae icua naa i i tuchi aque mose ra. Eĩ nda nandecua nandecua rei aque mose. Espiritu Turã nandembiasu eã mose.

⁶ Eraaque rã ño nandeico nguiã Moisés chimbese je ã cote. Moisés chimbese rui eã ño nandeico nguiã ã cote. Dios cheẽ miã ndui chõ nandeico nguiã ã cote. Espiritu Turã nguiatu ngue nandembiasu nguiã. Espiritu Turã ño nandembaaquiatu nguiã ã cote. Moisés chimbese achõ eã ño cote re.

⁷ —Moisés chimbese icuaãte, ae ãte raque quia co. Moisés chimbese quiatu que sembiirandu

seicuã ndese resẽ. —Eïcuãte quia emo mbae oseï oseï riqui re, i que Moisés chimbese ra. Eĩ nda seiranuãte rei ãquĩ ndese. Moisés chimbese eande ndae. Moisés chimbese ae ngue sembiirandu nguiã ãquĩ ndese. —Eïcuãte ãquĩ, i seje. ⁸ Moisés chimbese sembiirandure mbae icuã ndese, mbae icuã achosei i i tuchichĩ cote. —Mbae icuã nda jẽsaã saãchĩ, i mose chõ mbae icuã achosei i i tuchichĩ cote. Emo Moisés chimbese icuayã mose, mbae icuã abe ra eicuayã no. ⁹ Moisés chimbese que aïcuayãte quia nyii ra. Seturã aïco reĩ aque mose. Moisés chimbese que aïcua cote ra. Eïcua mose que echeẽ amumba i i tuchi cote ra. ãquĩ mose que seicuã aïcua cote ra. ¹⁰ Mbia mingo bei sacuã ndaque Moisés chimbese. Ae que semingo bei eã nda. Moisés chimbese amumba mumba bei chõchĩ. Nyebe aïco nguiã isho tuchi Dios si aque mose. ¹¹ Seicuã ño ngue sembiirĩ irĩ mbei quia nyii ra. Se Moisés chimbese icua mose, seya eã tuchi que aque mose cote ra. Seicuã nda seiquia chee, ae que se ra. ¹² Moisés chimbese turãte raque. Dios cheẽ ndaque.

¹³ Moisés chimbese turãte. ãquĩ je eã ngue Dios paama i seje ra. Seicuã ae quiatu que Dios mbupaama i seje ra. Moisés chimbese que sembiirandu tuchi seicuã ndese ra. Se Moisés chimbese turã icua mose, ãquĩ mose que seicuã Dios mbupaama i seje ra. Nyebe Dios Moisés chimbese mee nguiã nande je. Nandeïcuã mbuchecua tuchi sacuã nande je.

Nandechianqui renda icuã ño nandesi isi nguiã

14 Moisés chimbese turãte raque. Se ae seicua nde. Mbia chõ se re. Moisés chimbese amumba mumba chõchĩ nguia co. 15 Mbae turã asaã mbite raque. Mbae icua asaã eã mbite raque. Mbae icua nguia seisi isite nguia. Mbae turã uquia reã. ¿Mbaerã aico mbae turã naa eãte re? 16 Ae asaã sereãte quia nae, ũquĩ asaã mbeichĩ. Moisés chimbese turãt e raque. Aico echeẽ mumba mumba beichĩ. 17 Se ae chõ eã ño aico nguia mbae icua naa naa co. Sechiangui renda icua nguia “mbae icua esaã saã”, ite nguia seje co. Nyebe aico nguia mbae turã mo naa eã mbeite co. 18 Seicua tuchi chõchĩ se. Seturã mo eã tuchichĩ se. —Mbae turã tasaã, aete raque quia co. Aico mbae icua naa naa mbei chõchĩ co. 19 Sebite raque mba e turã. ¿Mbaerã aico mbae turã naa eãte re? Sebiãte raque mbae icua. ¿Mbaerã aico mbae icua naa naa mbeite re? 20 Se ae eã mbae icua asaã saã nguia. Sechiangui renda icua nguia “mbae icua esaã saã” ite nguia seje. Sechiangui renda icua ño seisi isi nguia mbae turã si co.

21 “Mbae turã tasaã”, i mose se, mbae icua ño seriquisã quisachĩ nguia co. 22 Sebite raque Dios cheẽ sechiangui re. 23 —Dios cheẽ ndese taico, ae rei nguia sechiangui re co. Sechiangui renda icua nguia seriquisã quisãte nguia. Nyebe aico nguia mbae icua naa i ite. 24-25 Dios cheẽ ndese aico sete raque. Sechiangui renda icua nguia semingo beite nguia mbae icua ndese. Seraaquete aico co. Nyebe seya eãte aico co. ¿Aba quia ra seicua mbitirõ nde? Jesucristo quia ra seicua mbitirõ cote. Nyebe aico gracias i tuchi Dios je co.

8

Espíritu Turã ndiqui nandembui mbae icuã si

¹ Ae Jesucristo icua quia nae, ũquĩ nda Dios mbasiã mbei. ² Nande Jesucristo icua mose, Espíritu Turã nda nandechiã mbiasu. Espíritu Turã nda siqui nanderese, mbae icuã naa eã sacuã. Eĩ nda nandemano mbeite rei, mbae icuã naa naa mbei mose. ³ Moisés chimbesa que nanderirõ aroneãte mbae icuã si ra. Echeẽ nguiatu ngue nandemumbayã aroneãte nguiã. Mbiate quiatu ngue nande re. Nandequirãcuã nea. Dios que ndua nanderese ra. Nyebe nguiirĩ mondo nguiã nande je. Mbia rã ngue Jesús ru íbii ra. Mbia icuã jate raque. Ae mii ngue eicuã eã nda. Ae que mano nandeicuã ndiquicharõ nda. Nyebe nandererecua eã ño mbae icuã cote re. ⁴ Jesús que mano nande je ra. Nyebe mbae icuã ñimbirãcuã eãte nande je cote. Nyebe Dios cheẽ nandemumbayã arondete namo cote. Espíritu Turã ndui chõ nandeico nguiã cote. Mbia icuã ndui eã ño nandeico nguiã ã cote. ⁵ Ae siqui quia Espíritu Turã ndese nae, ũquĩ ño siqui nguiã Dios cheẽ ndui si. Ae siquiã nguia Espíritu Turã ndese nae, ũquĩ ño siqui nguiã uchiangui renda icuã ndui si. ⁶ Ae siqui quia Espíritu Turã ndese, ũquĩ ia bei ra eriqui. Siqui bei rae. Ae siquiã nguia Espíritu Turã ndese, ũquĩ nda siquiã. Mano ndae. ⁷ Nandechiangui renda icuã nguia siqui icuã icuã mbeite nguiã Dios je. Nandechiangui renda icuã nguiarei Dios cheẽ mumbayã aroneã. ⁸ Ae siqui bei quia uchiangui renda icuã ndui, ũquĩ siqui aroneãte Dios cheẽ ndui.

⁹ Eĩ jenyẽ eãte raque jẽ. Espíritu Turã ndui chõ jẽingo nguiã jẽ. Espíritu Turã nguia siqui nguiã jeñiangui re. Espíritu Turã siquiã mose emo ñiangui re, Cristo rimba eã ño ãquĩ nde. ¹⁰ Jesucristo riqui jeñiangui re ãquĩ. Jendete ra mano ndaque mbae icuã je. Espíritu Turã nda jeãingue mingõ bei ibate. Dios quiatu ngue jẽisi turã nguiã. ¹¹ Dios que Jesucristo raaque mbuquera ra. Eĩ si ra Dios nanderete raaque mbuquera Espíritu Turã quirãcuã je no. Eĩ si ra nanderete mbiasu, Espíritu Turã siqui mose nandechiangui re.

¹² Nandechiangui renda icuã ndui nandeico aroneãte cote. ¹³ Nandechiangui renda icuã ndui nandeico mose, nandemano mbei ra equia. Espíritu Turã nandebi icuã mbutiã mose, nandemingo bei rae. ¹⁴ Ae je Espíritu Turã ndiqui ñee nae, “eĩ jenyẽ” i nae, Dios rimba chõ ãquĩ nde. ¹⁵ Nande Espíritu Turã isi mose, aque mose bei chõ Dios riirĩ nande cote re. Dios rimbachõ eã ño nande cote re. Dios riirĩ tuchi chõ nande cote re. Nandesiquiche tuchi que equia Dios si nyii ra. Nandesiquicheãte esi namo cote. —Paba, nande chõ nguiã e e co cote. ¹⁶ —Dios riirĩ tuchite jẽ, i chõ Espíritu Turã nguiã nandembiirandu tuchi. —Dios riirĩ tuchi rei nande re, nande chõ nguiã nande abe nandechiangui re co. ¹⁷ Dios riirĩ tuchite quia nande re. Nyebe ra Dios mbae mondo tuchi nande je Jesucristo rese. Sã ñi mbia Jesucristo mbasi cose no, eĩ si ra mbia nandembasi nande abe. Aquere ra nandeico turã mbei erese ibate cote.

Mbae turã mbei jee ra nande je nandeico mose

ibate

¹⁸ Mbia ra nandembasi raque a nyii. Dios ra nandererao bei ibate cote. Aque mose ra mbae turã mbei nande je cote. Nyebe ra nandetesarei nanderasi jua si cote. Nandeico bei mose ibate.

¹⁹ Dios ra huicuaasa mbuchecua ja aque mose. — Co rei seicuaasa co. Co abe no. Co abe no, i ra Dios aque mose. Ũquĩ ño nandesarõ arõ nguiã ã. Ae Dios chao mbae ja, ũquĩ abe riqui ũquĩ ndaarõ arõ ã. ²⁰ Adán mbae icuã naa namo mose, mbae icuã ja que aquere cote ra. Dios chiao icuã ja cote. Dios que mbae mbiacuã ja Adán mbae icuã naa namo mose ra. ²¹ Eĩ mbei eã nda mbae. Mbae ra nimbitorõ ja cote. Nimbiasu ra cote, Jesús tu mose íbii cote. Mbae ra manoã cote. Mbae ra shi eã cote. Jesús quiato rese ra mbae nyicuabo ja aque mose cote. ²² Dios chiao ra nyicuabo ja aque mose. Dios chiao ia eãte quia namo nde. ãquẽ ndasi rã ño eriqui nguiã namo. Nyebe ra Dios uchiao mbiasu ja cote. ²³ Dios que Espiritu Turã mondo nande je ra. Nyebe nandeico nguiã ñee, “Dios ra nandembiasu nguiirina tuchi cote”, i. Aque mose ra Dios nandembuchicuabo tuchi uchiao ja rese cote. Namu ño nanderasi rasi re. Nandeya eãte abe no. Nandembuchicuabo mose, nanderete abe ra embiasu. ²⁴—Jendete tambiasu, i que Dios nanderirõ mose mbae icuã si ra. Ũquĩ ño nandesarõ arõ nguiã ã. Nanderete yasu eãte namo. Nyebe nandeico nguiã eraarõ arõ ã. ²⁵ — Jendete tambiasu, i que Dios nande je ra. Nyebe nandeico nguiã eraarõ arõ mingue ã.

²⁶ Nandequirãcuã neate nande. Nyebe Espiritu Turã ndiqui tuchi nguiã nanderese. Sã nandeico

ñee: “¿Mañi nande ra ñee Dios je re?” i nandechiangui re. Nandechẽ ndequia requia mose chõ nandeico nguiã iabu abu. Nandeiabu mose chõ Espiritu Turã ndiqui nguiã ñee turã Dios je nanderĩ. Nandeuru ñee Dios je nandechiangui re. ²⁷ Dios mbia chiã icua jate quia co. Espiritu Turã ñee mose Dios je nandeuru, Dios echeẽ icua chõ nguiã aque. Dios cheẽ ndui si chõ Espiritu Turã ndiqui nguiã ñee Dios je Dios icuasa riĩ. ²⁸ Ae nyesecua quia Dios rese, ãquĩ je chõ Dios riqui nguiã mbae turã naa ja. Dios quiatu ngue eirabo nguiã. Ndua quiatu ngue erese nyii re.

²⁹ Ae res e Dios riqui nduate nyii nae, ãquĩ ngue Dios mingo icúe nyii ra. Jesucristo rã si embiasu sacua. Nyebe nandeico nguiã Dios riirĩ tuchi Jesucristo rese cote. Jesucristo rei nanderiqui cote. Nande tubiriãte ra Dios quiato cote. ³⁰ Dios que ndua nanderese nyii ra. Aquere que nandemingo icúe umbaerã cote ra. Nandeisi turã ngue cote ra. —Mbia tamumae turã ja jendese jẽingo mose ibate, i que Dios nande je cote ra.

Mbae mo nda nandembui eã mbei Dios si

³¹ Dios riqui tuchi nanderese co resẽ. Nyebe ra emo ñimbirãcuã eã nande je cote. ³² Dios que nguiirĩ mii mondo nande je ra. Mano sacua nandeicuã je. Eĩ nda mbae mondo ja nande je no. Sã nguiirĩ mondo nande ja je no. ³³ Dios chesecua tuchi chõ nande re. Emo ñee icua aroneãte nande je. Dios quiatu ngue nandeisi turã nguiã. ³⁴ Cristo que mano nandeicuã je ra. Quera si que ra. Dios quiatocuti eĩ ngoi hue cote. Ñee turã turã nanderĩ Dios je hue cote. Nyebe emo ndiqui

nguiã ñee icuã aroneãte nande je cote. ³⁵ Mbae mo Dios mbesarei aroneãte nandesì. Nyesequa beite quiatu nguiã nanderese co. Nanderasi arondete raque. Mbae nandembia eã arondete raque. Mbi a icuã arondete raque nande je. Nanderiãcuã arondete raque. Nandeiraõ eã arondete raque. Mbia nandeiquia arondete raque. Ñquĩ ja ra Dios mbesarei eã tuchi nandesì. ³⁶ Mbia icuãte riqui nande je ã. Sã embesa ji riqui i no: Nderĩ ño mbia riqui nguiã ureiquia serĩ mbeite ã. Oveja iquia iquia rã ño eriqui nguiã ure je ã, i ñi embesa ji re. ³⁷ Mbia icuã icuãte raque nande je. Ñimbiãcuã eã mbei ra nande je. Jesucristo quia siqui nguiã nanderese co. Nyesequa beite quiatu nguiã nanderese co. ³⁸⁻³⁹ Dios nyesequa tuchite quiatu nguiã nanderese co. Dios hui aroneãte nandesì. Mbia nandeiquia iquia mose, aque mose abe Dios hui aroneãte nandesì. Mbae mo nda embui eã nandesì. Angeles. Aba checuayã icuã. Mbia rerequa. Ae icuã icuã ndiqui nande je namo. Ae icuã icuã nda nande je emo mose. Ibatenda mo. Ae siqui ibiqui rĩ no. Dios chiao mo. Ñquĩ ja ra Dios mbui eã nandesì. Dios quia nyesequa tuchite nguiã nanderese Jesucristo rĩ co.

9

Dios que judíos m̄i icúe umbaerã tuchi ra

¹ Jesús icuasa chõ se resẽ. Aico ñee ñooño eãte co resẽ. Espiritu Turã abe riqui sembiirandu sechiangui re co resẽ. ² Seya eãte aico co. Seya eãte aico judíos rese co. ³ Se sí raque judío. Judíos ja chõ ure re. Judíos siqui sereãte chõchĩ Jesús rese.

Seso sete raque tata cuasu, judíos mingo bei sacuañ Jesús rese. Eĩ ndei ra sesose rete tata cuasu judíos rendaque re. Seresenda tuchi te quia ñene. ⁴ Israel ndei judíos i tuchi. Seriirĩ, i rei que Dios judíos je ra. Dios que uquirãcuã teacuquia rei judíos je ra. Dios que contrato saã ndei judíos je ra. Moisés chimbesa que judíos quereco rei ra. —Eĩ jenze chõ ñee seje, i rei que Dios judíos mbaaquiату quiату ra. —Mbae turã nda asaã saã mbei quia jêje, i bei que Dios quia judíos je ra. ⁵ Nanderamei ñiinda tuchi quiarei judíos i. Cristo tu mose ibi, judío que ae abe cote ra. Cristo rei Dios tuchi. Mbia rerecua bei tuchi rei Cristo. Amén.

⁶ Dios turã tuchi raque judíos je. Judíos que siquiãte Dios rese cote ra. Dios quiату que ucheẽ mbuchebiã ndei ee ra. Ñquĩ mo nguiату que judíos tuchi eã nda. Siquiã tuchi que Dios rese ra. ⁷ Abraham ndiirĩ nyeremo ndei que ra. Ismael. Isaac. Ñquĩ nyeremo ngue eriirĩ ja rei ra. Dios que Isaac mii isi ra. —Abraham ndiirĩ, i eã ngue Dios Ismael riirĩ je ra. —Abraham riirĩ, i chõ ngue Dios Isaac ndiirĩ je ra. Isaac ndiirĩ jaje que Dios “judíos” i cote ra. ⁸ Abraham ndiirĩ nducucha que Dios isi turã ja eã ndese. Ae Dios cheẽ isi turã nguia, ñquĩ je chõ Dios riqui nguia “seriirĩ” i. ⁹ Dios que ñee Abraham je ra. —Tenda nongue ra aчу. Aque mose ra ãquẽ nacui mo nyaacuquia neninisi Sara je, i que Dios Abraham je ra. ¹⁰ ãquẽ ngue tiarõ cote ra. Isaac, i que ee ra. Isaac que ngūinisi tea chee ra. Rebeca, i que eninisi je ra. Eata riru rerequia mose que Dios ñee ee ra. ¹¹⁻¹² —Ae rane nda nyaacuquia ãquẽ, ngõngue rimba tuchi chõ nda aque, i que Dios

Rebeca je ñee nda. Echaacuquia nonde. Eriirĩ mbae icuã naa nonde. Mbae turã abe naa nonde. —Co chõ taisi, i que Dios ra. —Co chõ taisi, i beite Dios quia co no. Mbia mbae turã naa nonde chõ Dios eirabo nguiã. Dios turãte quia ñene. Nyebe mbia mo irabochõ nguiã. Ebite quia ñene. ¹³ Dios que ñee Rebeca riirĩ ñii nda. Ûquĩ nyeremo ñii: Jacob ndese chõ aio nguiã nyesecua. Esaú rese achesequa eãte, i que Dios ra, i que embesa ji ra.

¹⁴ ¿Mbaerã Dios riqui aque mii irabo re? ¿Mbaerã eriqui enongue abe isiã nde? ¿Dios icuãte ere? Tei. Eicuã eãte raque. ¹⁵ Sã Dios ñee Moisés je nyii no: Seya eãse mose emo ndese, seya eãte erese. Setutãse mose emo je, seturãte ee, i que Dios Moisés je ra. ¹⁶ —Dios turã naa nda seje chã, i mose emo, ùquĩ je eã ño Dios turã ndiqui nguiã. Ae mbae turã saã saã ndei quia, ùquĩ je eã ño Dios turã ndiqui nguiã. Ae rese Dios ia eã ndiqui, ùquĩ je quiatu Dios turã ndiqui nguiã. ¹⁷ Sã faraón no. Egipto jenda rerequa. Dios que ñee ee ra. —Aremii ngue mbia rerequarã nda. Sequirãcuã ndeacuquia sacua mbia je. Mbia jirandu ja sacua serese, i que Dios faraón je ra. ¹⁸ Dios ia eãse mose emo ndese, eya eã nda erese. Dios emo ñia matãse mose, matã ndae.

Dios ra judíos isi turã sí

¹⁹ Jemo nda ñee seje reae. —Dios ae emo ñiã mātã mose, ¿mbaerã nda jeñee asi echiã ãtã je re? i ra jemo ñee seje reae. ²⁰ Dios cheẽ nandesobeishĩ aroneãte. Sã nandembaecua ñio ñee aroneãte uaosã je no. —¿Mbaerã seraã eĩ nde? i aroneãte

ñio ñee uaosa je no. ²¹ Ñio aosa ra ñio saã ñooño ño ubi mose no. Ñio turã tuchi raã arondete no. Ñio icuã abe raã arondete tuchu sique je no. Embae quia tuchu re. Tuchu rã ño nande re. Ñio aosa rã ño Dios re. ²² Ae eicuã icuã mbeite riqui Dios je nae, ãquĩ je Dios siqui mingue i ite co. ãquĩ nda nyoĩ je tata cuasu. ãquĩ Dios mbasi serĩte cote. ²³ Dios mbae turã saã sete ubi je. Nyebe uquirãcuã ndeacuquia nguiã ubi je. Diobi chõ nande re. Dios que nandeao uchesequarã nda. Nandeico sacuã erese. ²⁴ Diobi chõ nande re. Dios que nandeirabo ra. Nandemo ndei judíos. Judíos eã abe abe. Dios chiirabo ja chõ nande re. ²⁵ Sã Oseas Dios cheẽ mbesa no:

Ae serimba eã nyii nae, ãquĩ nda serimbarã cote. Ae rese mbia nyesequayã nyii, ãquĩ ndese ra achesecua tuchi se cote.

²⁶ “Seresenda eã ño jẽ nde”, i que Dios ñee ee nyii ra.

Hue jenda sí je ra Dios ñee cote.

“Seresenda chõ jẽ cote re”, i ra Dios si ñee ee cote, i que Oseas Dios cheẽ mbesa ra.

²⁷ Eĩ ngue Isaías Dios cheẽ mbesa cose ra:

Judíos tubiriã tuchite raque rae.

Siqui ja eã nda Dios rese.

Co mii mii ño nda siqui erese.

²⁸ Dios quia ra uquiatoã mbasi ja ibi jenda cote.

Mbasi jei ra cote, i que Isaías embesa ra. ²⁹ Isaías que ã mbesa cose no nda:

Mbia rese Dios ndua eande rae, eĩ nda judíos ua ja rei.

Dios judíos mo ndecha eande rae, eĩ nda judíos ua ja rei.

Sã Sodoma jenda ua ja no.
Gomorra jenda abe no,
i que Isaías embesa ra.

Judíos siqui sereã Jesús rese

³⁰ Tacheẽ nyecua jêje. Ae judíos eã nae, ùquĩ ngue “taico Dios rese”, iã ndei ra. Aque mose que Jesús icua cote ra. Jesús icua mose que Dios echĩã mbitirõ cote ra. ³¹ Judíos quiatu que ñee ndei ra. —Dios cheẽ ndui si tuchi nandeico. Nandeico mose erui, Dios ra nandemingo bei, i rei que judíos ra. Dios que emingo bei eã nda. Siqui bei eã nguiatu ngue Dios cheẽ ndese re. ³² —Jesucristo nandeicua, i eã ñochĩ judíos. —Nande ae nandeico Dios cheẽ ndui, i chõchĩ. —Nandeico mose erui, Dios ra nandemingo bei, i chõchĩ. Judíos biãte que Jesús riqui ra. Nyebe judíos riqui turã eãte nguiã. ³³ Eĩ ngue embesa ji Dios cheẽ nda:

Serucucha que amiã judíos rae ra.

Judíos ra eisiteã.

Judíos ra cuá i nyoĩ ee.

Ngoĩ ra echoĩ cuá i mose ee.

Sita rã ño serucucha ee re.

Ae serucucha icua quia nae, ùquĩ nguia ra ngoĩ eã nyoĩ.

“Dios rucucha aisi jirichĩ nguia no”, i eã nda Cristo icuasa mo ñee,
i que Dios cheẽ mbesa ji ra.

10

¹ —Sã Dios judíos rirõ mbae icuã si, ae rei quia co. —Paba, judíos emingo Jesucristo rese, ae tuchi rei quia co. ² Judíos siqui sete raque Dios cheẽ

ndui. Ñeenda quia eicuayãte nguiã Dios icha. ³ — Dios ra nandechiã mbitirõ Jesucristo riñ, i eã ñochĩ. Ae ae uchiã mbitirõse chõchĩ. Jesucristo icua sereã nea mbei chõchĩ. Nyebe Dios riqui nguiã echiã mbitirõ eã mbei. ⁴ Jesucristo tu nonde que judíos siquise tuchi Moisés chimbresa rese ra. Jesús que tu íbii cote ra. —Moisés chimbresa rui jẽingo mose, taembitirõ turã, i ãte que Jesús ra. —Seicua mose quiatu ra jaembitirõ, i que ra.

Sã mbia siqui ja serese, i Dios

⁵ —Emo mbae icuã mo saã eã mbei emo mose, ñquĩ nda Dios mingo bei, i rei que Moisés ra. ⁶⁻⁷ Æ nandeico Jesús icuate ã. Nyebe ae riqui nguiã nandemingo bei i ite ã. Nyebe nandeico nguiã ñee ãte. —Aba quia ra oso Jesús reru ibate si nande je, i ãte. —Aba quia ra oso mbia raaque rea, Jesús mbuquera sacuã, i ãte nande mo. ⁸ Æ ureico Jesucristo renei nenei mbia je ã. —Jẽ Jesucristo icua mose, jẽingo bei rae, ure equia mbia je ã. Jesucristo icuasa ra ñee: —A Jesucristo cheẽ ndiqui aba jiite a. Echeẽ aba chiicua bite aba chiangui re, i ra Jesucristo icuasa ñee. ⁹ —Jesucristo rei sererecua, ere chõ ñee. —Dios que Jesucristo raaque mbuquera ra, ere chõ nguiã ndechiangui re. Nde i mose, Dios ra nemingo bei. ¹⁰ Emo Jesucristo icua mose uchiangui re, Dios ra echiã mbitirõ. —Jesucristo aicua quia co, i mose, Dios ra esirõ mbae icuã si. ¹¹ —Jesucristo aisi jirichĩ nguiã no, i eã nda Jesús icuasa mo ñee, i que embesa ji Dios cheẽ nda. ¹² Dios quia mbia ja rerecua tuchi re. Judíos achõ ndeecua eã. Judíos eã achõ nderecua eã no. Eĩ ja chõ mbia Dios je re. —Mbae mo embu seje, i mose

emo Dios je, mondo turã tuchi ra ee. ¹³ Sã embesa ji riqui i no:

“Paba, seicua embitorõ”, i mose emo, Dios ra ãquĩ mingo bei tuchi,

i que embesa ji ra. ¹⁴ Mbia mo Jesús icuayã mose, ñee aroneãte ee. Mbia jiranuã mose Jesús rese, Jesús icua aroneãte. Emo Jesús cheẽ nenei nenei eã mose mbia je, mbia jirandu aroneãte Jesús rese.

¹⁵ Dios mbia mo mondo eã mose echeẽ nenei nenei sacua, echeẽ nenei nenei aroneãte. Sã embesa ji riqui ñee no. Eĩ si chõ ñene:

Aba bite emo tu mose Dios cheẽ nenei nenei ure je.

Ureya tuchite erese,

i que embesa ji cose ra. ¹⁶ Mbia mii mii ño siquichĩ Dios cheẽ turã ndese ãquĩ. Sã Isaías ñee no:

Dios, mbia que urecheẽ ñandu sereãte ra,

i que Isaías embesa ra. ¹⁷ Mbia ra Jesucristo icuayã mbeite, jiranuã mose erese. Mbia ra jiranuãte Jesucristo rese, emo echeẽ nenei neneiã mose ee.

¹⁸ ¿Judíos Dios cheẽ turã ñanuãte re? Ñandu ja rei que ra. Dios cheẽ ngue judíos chandu ja rei resẽ. Mangue chooño eã ngue echoi Dios cheẽ nenei nenei ndesẽ. ¹⁹ ¿Judíos jiranuãte Jesús cheẽ turã ndese re? Jirandu tuchite rei que ra. Sã Moisés Dios cheẽ mbesa no:

Dios rei se. Judíos eã ndese taico turã.

Mbia aquiatuã taisi serimbarã. Judíos nda queteã tuchi serese chã,

i que Moisés Dios cheẽ mbesa ra. ²⁰ Isaías abe que Dios cheẽ mbesa ra. ã ngue embesa ra:

Ae serequia eãte quia, ãquĩ ño ngue serea ra.

Ae ndua eãte quia serese, ũquĩ je chõ achecua
 nguiã, i que Dios ra,
 i que Isaías siquicheãte Dios cheẽ mbesa ra.
 21 Isaías que ñee judíos je no nda:
 Dios riqui ñee jẽje co. “Jẽingo serese”, ae beite
 raque se quia judíos je co.
 Secheẽ mumba bei chõchĩ.
 “Jẽingo serese”, ae beite raque quia secheẽ mum-
 basa je co,
 i que Dios ra, i que Isaías Dios cheẽ mbesa ra.

11

Dios ia eãte judíos rese

¹ Dios que hui eã judíos si ra. Judío chõ se no
 nde. Abraham ndei sei. Benjamín abe rei sei no.
 ¿Mañi nda Dios hui judíos si re? ² —Serimbarã
 mbei ra judíos, i que Dios cose ra. Nyebe eriqui
 nguiã emombo eã mbei. ¿Jêtesarei chõ Elías cheẽ
 si Dios je re? Elías que ñee icuãte judíos ataque riĩ
 aque mose ra. ³ —Dios, judíos que ndecheẽ nenei
 neneisa iquia ja ra. Altar abe que embucoi coi
 nembae ra. Se ae tuchi aico nderimba co cote. Se
 abe ra judíos seiquia chee, i rei que Elías Dios je
 ra. ⁴ Dios que ñee Elías je cote ra. —Nde mi eã ño
 serimba re. Serimba tubiriãte nyeresẽ. Siete mi
 l serimba que ngoi eãte ngũiã ndese ñee ñee Baal
 naanguia je ra, i que Dios ñee Elías je cose ra. ⁵ Eĩ ño
 namo abe re. Judíos emo emo ño siqui nguiã Dios
 rese ã. Ũquĩ mi ño Dios chiirabo ũquĩ nde. Uturã je
 chõ Dios ũquĩ irabo nguiã. ⁶ Mbae turã naa mose eã
 ño Dios eirabo nguiã. Uturã je ae chõ Dios eirabo
 nguiã. Mbae turã naa naa ndibishorõ eã ño Dios

riqui nguiã aba irabo umbaerã. Mbae turã naa naa ndibishorõ mose, eĩ nda Dios aba irabo eãte rei uturã je. ⁷ Dios quiatorã nande, i rei que judíos ra. Dios quiatoã tuchi que eriqui ra. Jesucristo icua sereãte que equia ra. Co mii mii ño ngue Dios irabo uquiatorã nda. Eataque que Jesucristo icua sereãte quia ra. ⁸ Sã embesa ji riqui ñee no:

Dios que embaaracua eã nda.

Nyebe mbae icua eãte nguiã, mae mose Dios chiaorese.

Nyebe Dios cheẽ icua eãte nguiã eandu mose no, i que embesa ji cose ra. Eĩ mbei chõ namo abe re. ⁹ David abe que ucheẽ mbesa ra. Eĩ ngue embesara:

Sã eya chooño umbae tubiriã ndese.

“Nandeico turãte ã”, sã i, siqui icuã mose.

Sã Dios embua tuchi embasi mose.

¹⁰ Sã eresa nyiati ati bei.

Mae eã sacua.

Sã mbae usi riqui eituquia bei,

i que David ñee nda.

¹¹ Judíos que Dios cheẽ secha rei ra. Uba je quia ra ecuaẽ Dios rese. Dios si judíos hui mose quiatu que judíos eã siqui arõte Dios rese cote ra. Dios judíos eã mingo bei tuchi sacua cote. Judíos ra queteã tuchi chee Dios rese cote. Uba si sacua erese cote. ¹² Judíos que Dios cheẽ isiteã nda. Nyebe mbia judíos eã ja Dios cheẽ andu ja nguiã cote. Judíos Dios cheẽ mumba mose, Dios que uturã teacuquia ja mbia mangue chooñoa jenda ja je cote ra. Judíos uba si mose Dios rese, mbia mangue chooñoa jenda ra siqui tuchi Dios rese cote.

Judíos eã ño Dios cheẽ isi

¹³ Jẽje judíos eã je aico Dios cheẽ nenei nenei a. —Judíos eã je eico secheẽ nenei nenei, i que Dios semondo ra. Nyebe aico nguiã Dios cheẽ nenei nenei sete. ¹⁴ Judío chõ se no nde. Sã jẽ jẽingo Dios rese no jẽ. Sã judíos abe riqui Dios rese jẽ na si. Dios erirõ sacua mbae icua si. ¹⁵ Judíos Dios isiteã mose que Dios hui chõ judíos si ra. Judíos eã nguiatu que Dios isi uquiatorã cote ra. —Mbia mo ja sequiatorã cote, i que Dios judíos eisiteã mose ra. Judíos ra uba si chee Dios rese emo mose cote. Mbia raaque quera si rã tuchi ra aque mose cote. ¹⁶ Sã mbia mo mbichae raã no. Mbichae ñinda uchi turã mose, eruinda abe ra uchi turã no. Mbichae ñinda rã ño Abraham nde. Judío i tuchi chõ Abraham nde. Sã Abraham siqui turã tuchi Dios je no. Nyebe ra eriirĩ abe uba chee Dios rese no. Ei turã mose, erãquiã abe ra eturã no.

¹⁷ Olivo rãquiã na ño judíos re. Judíos siquiã mose Dios rese, olivo rãquiã na ño ngue Dios echisia mombo ra. Ũquiã naquiã nendaque re chõ ngue Dios jemi nda. Jẽ judíos eã. Injertar i raanguia chõ Dios jembucha nguiã ei rese. Jemingo tuchi sacua Dios rese. Olivo rãquiã na eã ndaque jẽ. ¹⁸ ¡Jenguasu ra jẽsaã saãchĩ judíos je jẽ! ¡Dios jẽisi turã mose jẽ! Erãquiã injertar i ji rã achõ ño jẽ nde. Erãquiã nda hui mingo eã. Ei quia nda erãquiã mingo nguiã. Erãquiã na ño jẽingo nguiã jẽ. ¹⁹ — Olivo rãquiã ngue Dios chisia urembucha sacua ei rese, ¡jenyechĩ nda jenguasu raã naa jẽ! ²⁰ Dios que echisia sia Jesucristo icua sereã mose ra. Jẽ Jesucristo icua mose chõ ngue Dios jembucha olivo i

rese ra. Jemingo bei sacuã. Nyebe jẽingo jenguasu raã naa eã. Jẽireĩ ireĩ jiri quia Dios si. ²¹ Dios que olivo rãquiã nyisia mombo Jesús icuayã mos e ra. Eĩ nda Dios jemombo jẽ abe Jesús icuayã mose. ²² ¡Sã Dios turãte mbia siqui mose erui no jẽ! ¡Sã mbia mbasi echeẽ mumba mose no jẽ! ¡Sã eturãte jẽje no jẽ! ¡Jẽingo bei chõ Dios turã ndese jẽ! Jẽingo eã mose Dios rui, Dios ra jemombo. Ira rãquiã sia ji mombo rã si. ²³ Judíos uba si mose Dios rese, Dios ra embucha si esiasa rese. Injertar i si ra ee. Dios mi ño eaquiату ũquĩ naa nde. ²⁴ Judíos eã ño jẽ nde. Olivos turã naquiã eã ño jẽ nde. Olivo mbuae rãquiã na ño jẽ nde. Dios ae que jembucha nguiã olivo i rese. Injertar i jẽje. Ae Dios nyisia nyii nae, ũquĩ nda Dios mbucha si uchisia rese.

Judíos abe ra siqui chee Jesús rese

²⁵ Tacheẽ nyecuayã na jẽísaa. Mbia chiucuayã tasenei na jẽje. Jenguasu raã naa sacuã eã judíos je. Judíos yete tuchi que hui rei Dios si ra. Judíos eã nguia siqui tuchi Dios icua ã cote. Judíos eã Dios chiirabo Jesús icua ja mose, judíos abe ra uba ja erese cote. ²⁶ Aque mose ra Dios judíos rirõ ja huicuã si cote. Sã embesa ji riqui i no:

Mbia mbuturãsa ra tu Sion si.

Ae ra Jacob riirĩ sirõ ja huicuã si. Judíos rirõ ja huicuã si.

²⁷ Aque mose ra judíos icuã ambutiã ja esi.

Secheẽ nda ique aque mose cote, i que Dios ra, i que embesa ji ra. ²⁸ Judíos yete tuchi chõ Jesús cheẽ turã ucuayã nguiã ũquĩ. Nyebe Dios uturã ndeacuquia nguiã jẽje. Judíos eã je. Dios quia nyesecua beite nguiã judíos rese. Irabo que nyii

ra. Eramei ja rĩĩ ño Dios judíos irabo nguiã. ²⁹ — Mbae mo tamee jėje, i mose Dios, mondo rae. Dios ra uchimondo sirombe eã. Dios ra hui eã mbei uchiirabo si. ³⁰ Jesucristo que jêicuayãte quia nyii ra. Judíos hui mose Dios si, Dios que uturã teacuquia jėje cote resẽ. ³¹ Judíos quia Jesucristo icuayãte nguiã cote. Sã Dios ia eãte riqui jendese no, eĩ si ra eya eãte judíos rese cote. Uturã nda eteacuquiabe chee judíos je. ³² Eĩ ja chõ mbia Dios je re. Emo ngue echeẽ mumbayã eãte quia ra. Nyebe eya eãte riqui nguiã nande ja rese.

³³ Dios turã tuchite. Dios aracua tuchite. — ¿Mbaerã Dios ũqui naa nde? nande aroneate. Dios chisaã nandeicua aroneãte quia ã. ³⁴ ¿Emo ndua ndua quia Dios rã nde? ¿Emo mose mbia riqui Dios mbaaquiatsu re? ³⁵ ¿Emo nane mbae mo mondo quia Dios je re? ¿Dios mbae mondo nonde re? ³⁶ Dios ae que mbae chao ja ra. Umbaerã ño echao ja nguiã mbae. Ae quia ecuasú jiri mbae ja si re. Nandechẽ turã mbei ra equia eriĩ. Amén.

12

Je sí chõ jeñimondo Dios je

¹ Dios ia eã mbeite riqui nanderese co. Nyebe jẽ sí chõ jeñimee Dios je. Jendeco chõ jemee Dios je. Jeñia turã jemee Dios je. Ebite ũqui. Dios que mbae mondo tuchi nande je ra. Eĩ nande chõ ñimondo ee ae. ² ¡Jesús quiatoã na nda jẽingochĩ jẽ! —Nde rã si semundua ndua ramo, Paba, jenyẽ chõ nguia Dios je. Eĩ jenyẽ mose ra Dios ñeenda huiicha teacuquia jėje. —Eĩ jenyẽ, eĩ jenyẽ chõ, i bei ra Dios quia jėje cote.

³ Dios turã ngue seirabo ucheẽ nenei nenei sacuaã jẽje ra. Nyebe aico nguiã jembiiirandu randu co. —Se jiri quia mbia si re, jjenye tuchi te chí na jẽ! ¡Endua ndua turã ño ndechue jẽ! Dios nem-baaquiato tuchi mose, ebite quia nde re. ⁴⁻⁵ Mbae tubiriãte nanderete rese. Nanderesa. Nandeo. Nandeisa. Ũquĩ jate nanderete rese. Mbae mii nda siquĩã nanderete rese. Nandeo oco mbae rese. Nandeisa mbae andu. Nanderesa mae mbae rese. Nandechuru ñee. Nanderete quiarei “ã nandesã”, i tuchi nyue. Eĩ si chõ Jesús icuasa nande re. Jesús rete ja chõ nande re. “Ã nandesã”, nandete equia nandechue ã. Mbae rese jaajate que Dios uquiato mingo ra. ⁶ Dios turã tuchi que nande je ra. —Co rese eico nde. ã ndese eico nde, i Dios quia nandembuchao chao co. Ũquĩ naa sacuaã Dios riqui uquirãcuã mee mee nande je co. —Secheẽ esenei senei, i mose Dios emo je, sã aque echeẽ nenei nenei turã echeẽ ndui si. ⁷ —Mbae turã esaã saã mbia je, i mose Dios emo je, sã aque mbae turã naa naa mbei mbia je. —Mbia embaaquiato quiatu, i mose Dios emo je, sã embaaquiato turã tuchi. ⁸ —Seosei uquia mbia je, i mose Dios emo je, sã aque Dios osei uquia turã tuchi mbia je. —Mbae emee mee mbia je, i mose Dios emo je, sã aque abei tuchi. Sã ngueteã eã tuchi mbae rese ee. Dios emo mii mose ererecuarã, sã ererecuã turã tuchi aque. —Mbaecha reã je mbae esaã saã, Dios i mose emo je, sã aque ia tuchi mbae turã naa naa mbaecha reã je.

⁹ ¡Jenyesequa chooño chí nda jenyiese jẽ! ¡Mbae icuaã si jenyicuasẽ cuasẽ tuchi quiatu jẽ! ¡Mbae turã

ndese chõ jẽingo tuchi jẽ! ¹⁰ ¡Jembi turã ño jenyiese jẽ! ¡Jenongue rã nguiatu jẽingo turã tuchi jenyue jẽ! ¡Jeñee turã turã ño nguia emo ñii jẽ! ¡Nderĩĩ nda erecheẽ turã turãchĩ jẽ! ¹¹ ¡Jeñĩmbutomo tomochĩ nda jẽ! ¡Jeñĩmbirãtã tuchi quiatu Dios je jẽ! ¹² Jesucristo cheẽ nda io chee nande je emo mose cote. Ũquĩ ño nandesaarõ arõ nguiaã ã. Nyebe jẽya tuchi quiatu siqui eraarõ arõ. Mbia jembasi mbasi mose, jenyecuachõ ño nguia ee. Jeñee ñee mbei quiatu quia Dios je. ¹³ Mbae eã mose Jesús quiato je, mbae mo jemondo ee. Mbia mo oso mose jenyuchúaa, ijẽisi turã ño jẽ!

¹⁴ Mbia mo icuã icuã mose jẽje, ¡jẽturã ño ee jẽ! —Paba, mbae turã emondo rã ee. Ae icuãte riqui seje, ũquĩ je, jenyue chõ Dios je. ¹⁵ Ae eyate riqui, ũquĩ ndese chõ jẽya jẽ abe. Ae nyeseo quia, ũquĩ je ndese abe jenyeseo no. ¹⁶ Hue rĩja chõ jẽingo ndua turã. ¡Jenguasu ra jẽsaã saãchĩ emo je jẽ! ¡Jẽseteã ño jẽingo jẽ! ¡Jẽaquiato ra jẽsaã saãchĩ jẽ! ¹⁷ Mbia mo icuã icuã mose jẽje, jenyecuachõ ño nguia ee. Mbae turã ño jẽsaã nguia mbia resa rae. ¹⁸ ¡Jẽingo turã ño mbia je jẽ! † nda jẽingo ubi turã jenyiese. ¹⁹ Mbia icuã mose jẽje, ¡jeñee icuãchĩ nda erobeishĩ jẽ! Dios quia ra embasi nguiaã eicuã mose. Sã embesa ji riqui i no:

Se quia mbia tambasi eicuã mose, i que Dios ra, i que embesa ji ra. ²⁰ Ae eicuãt e riqui jẽje, ũquĩ jembuquiaru chõ eriãcuã mose. Ũquĩ jembiu chõ eisei mose. Eĩ jenyue mose ee, eirei te ra huũcuã mose cote. ²¹ Mbia icuã mose jẽje, jeñeechĩ nda echeẽ ndibishorõ. Jẽingo turã ño ee. Mbae turã

nguia equirãcuã jiri mbae icuã si re. Mbae icuã mombo jiri.

13

Sã mbia riqui turã ererecua ja je

¹ Mbia ja ererecua cheẽ mumbayã nguiatu. Dios ae chõ ererecua mii nguiã. Dios chimii ja chõ mbia rerecua re. ² Ae mbia rerecua cheẽ mumba quia, Dios cheẽ abe mumba chõ nguiã aque. Dios quia emii tare nguiã. Ae ererecua cheẽ mumba mumba quia, ãquĩ nda mbae rasi saã cote. ³ Mbia turã mbusiquiche sacuã eã ño ererecua re. Mbia icuã mbusiquiche sacuã nguia ñene. Nde ndeico turã mose, ererecua ra nembusiquiche eã. Ndeico turã mose, ererecua ra ñee turã mbei ndeje. ⁴ Dios ae chõ ererecua mii nguiã. Nandereaquiaturã sacuã. Nde mbae icuã naa mose, ndesiquiche jiri nda esi chã. Ndeicuã mose ra ndeiruã nua arõte. Dios quiatu emii nguiã ererecuarã mbia icuã mbasi mbasi sacuã. ⁵ Ererecua cheẽ nandemumbayã ño nguia. Nandembaasi asiã sacuã achõ eã ño ñene. Nandendua turã sacuã abe chõ ñene. ⁶ —Impuestos jëisi isi mbia si, i que Dios ererecua mii nda. Nyebe nandeico nguiã impuestos mondo mondo turã ererecua je. Dio s cheẽ nguire chõ ererecua riqui nguiã eisi isi. ⁷ Jë deber i mose emo je, mbae jembuchebi jei chõ ee. Jë deber i mose impuestos, jemondo chõ ee. Ererecua je jëingo turã ño. Jeñee turã ño erii.

Jenyesequa ja quia jenyiese

⁸ Emo mbae mondo mose jëje, jëingo are arete chĩ nguiã mbae mondo rocoĩ ee. Deber jenyechĩ

nda emo je. ¡Jenyesequa ja quiatu quia jenyiese jê! Jenyesequa mose mbia rese, Moisés chimbese ja jemumbayã ño nguiã ùqui. ⁹ ã ndei Moisés chimbese ã:

Emo ninisi rese ra ereicochĩ.

Mbia mo nda ereiquiachĩ.

Mbae mo nda erembuquiachãchĩ.

Emo je ra erecheẽ ñooñochĩ.

Emo mbae ra erechesei choseichĩ,

¡ que Moisés chimbese ra. Nandechesequa mose mbia rese, nandeico embese ji cheẽ mumbayã ã. ã ndei Jesucristo cheẽ ã: Sã ereico nyesequa nderete rese no, eĩ ere si chõ nyesequa emo ndese. Nde ã naa mose, Moisés chimbese ja eremumbayã nguia ã. ¹⁰ Ae nyesequa quia mbia rese, ùqui nda mbae icuã saã eã mbei emo je. Emo nyesequa mose mbia rese, Dios cheẽ ndui si chõ eriqui nguia mbae turã naa naa ùqui.

¹¹ Dios rese jëingo tuchi ùqui. Nandemaie jei ra Jesucristo rese cote. Nandechẽe ngue equia nyii. —Nandemaie je ra Jesucristo rese, nande que equia nyii. Namo nda nandemaie erese cote. Aichite eñi tu a cote. ¹² Itondaru rã ño mbae icuã ja namo nde. Jesucristo ra tu mbae mbuturã cote. Nyaashĩ na nda cote. Nyebe nandeico bei rã mbae turã ndese cote. Dios rese nandeico tuchi rã cote. Mbae icuã ndiquisã sacua nandesi. ¹³ Nandeico turã ño Dios resa rae. ¡Mbia quiacua ra nandesiichãchĩ jê! ¡Nandequiacuachĩ nda jê! ¡Emo ninisi rese ra nandeico icochĩ jê! ¡Mbae icuã nda nandechesei choseichĩ je! ¡Nandecuã icuãchĩ nda emo mbae icuã icuã jê! ¡Emo mbae ra nandechesei

choseichĩ jẽ! ¹⁴ Jeñimee tuchi quia Jesucristo je. Ae nda uquirãcuã mee tuchi jẽje chã. Mbae icuã ndiquisã sacuã jẽsi. Ae icuã mbia chosei chosei quia nae, ùquĩ nda jẽsaã saãchĩ jẽ Jesús resenda chõ jẽ ndesẽ.

14

Jeñee asiã mbei jenongue je

¹ Jesús quiato mo Jesús icua tuchiã mose, jẽisi turã ño. Jeñee asi asichĩ nda ee. ² Emo emo mbae u ja. Emo emo soo u eã tuchi no. Ae soo u eãte quia nae, embaaquiatu tuchi iriã ño ùquĩ nde. ³ Ae soo u guia nae, sã ùquĩ ñee asiã mbei soocua reã je. Ae soo u eãte guia nae, sã ùquĩ ñee asiã mbei soocua je no. Dios quiato ja chõ ñene. ⁴ Erecheẽ icuã aroneãte ererecua rimba mo je. Ae ae mbae saã nguiã nguerecua je. Dios ae nda ñee nguiã nguĩmba je. Mbae raã turã mose. Mbae raã icuã mose abe no. Dios quirãcuã ae nda ngũimba mingo nguiã mbae turã ndese.

⁵ —Nyaashĩ mo ngue Dios irabo mbicúe cose ra. Ùquĩ nyaashĩ mose nandechimbaacua rã, i Jesús quiato mo nguia co. Jesús quiato mo nguia ñee nguiã: —Eĩ ja chõ nyaashĩ ndesẽ, i emo no. Sã Dios quiato ja ae riqui ndua ndua uchiangui re ae. ⁶ Dios quiato mo ñimbaacua mose aque nyaashĩ mose, Dios je chõ eriqui nguiã ñimbaacua. Dios quiato mo mbae raã naa mose aque nyaashĩ mose, Jesús je chõ eriqui nguiã mbae raã naa aque nyaashĩ mose. Ae soo u quia, Dios je chõ eriqui nguiã soo u. Gracias, i que Dios je nyii ra. Ae soo u eã nguia, Dios je chõ eriqui nguiã soo u eã no.

Ae abe gracias i chõ nguiã Dios je ague. ⁷ —Sebi rese chõ taico bei, nande aroneãte. —Semanose mose quia tamano, nande aroneãte. ⁸ Dios ae chõ nandereco mingo nguiã. “Emano”, i mose Dios nande je, nandeico nguiã mano. Nandereco siqui mose, Dios rimbarã ño ñene. Nandemano mose, Dios rimbarã ño nda nandeico nguiã no. ⁹ Cristo que mano nda. Quera si que ra. Mbia rerecuarã ngue quera si ra. Mbia reco rerecuarã. Mbia mano je rerecuarã abe no.

¹⁰ Nandechẽ icuã icuã aroneãte nanderesenda mo je. Emo mose quia ra Dios mae tuchi nanderese cote. Nandechiangui renda ra etea tuchi cote. Ae quia nda nandechuã tea nguiã. Nandeturã abe rea. ¹¹ Ñ ndei embesa j i ã:

Dios ndei se. Se rei sereco bei.

Sésaa ra mbia chi ja ngoi ngũã ndese.

Ñee jaaja ra seje cote.

“Dios tuchi chõ nde re”, i jaaja ra seje cote, i que

Dios ra,

i que embesa ji ra. ¹² Nande ae ae ra mbae nandesenei senei Dios je aque mose. —Ñ ngue asaã saã nguia seico mose íbii ra, nande ja ja ra ee cote.

Jenongue jembicuã eã

¹³ Nyebe nandechẽ icuã eã nguia nanderesenda mo nii. ¡Nandembia eãte chí nda jẽ! ¡Mbae icuã nda nandesã uquiachĩ ee jẽ! ¹⁴ Jesucristo que sembaaquiatu ra. —Mbae turã ja chõ mbia chĩurã nde, i que ra. —¡Co ra jẽuchĩ jẽ! iãte Dios mbae mo nii. —Eicuãte co, i mose emo, sã ae mii eu eã. Ae eu mose, eicuãte ee. ¹⁵ —¡Co nandeu eã jẽ! Eicuãte, i mose nderesenda mo ndeje, eu

eã. Nde eu mose, erechesequa eã ño nguiã nderesenda rese aque. Nderesenda je abe chõ ngue Jesucristo mano ndesẽ. ¿Mbaerã nda nderesenda eremb#cuã ndechuubi je re? ¹⁶ Ndechuubi turã ndaque ndeje. “E#cuãte” i mose nderesenda mo, eu eã ae. Nde eu mose, mbia ra erembucheẽ #cuã ndechue. ¹⁷ Dios chõ nandererequa cote re. Nyebe nandendua tuchi eã nguia nandech#urã ndese. Ae nandembei quia, ãqui abe rese. Dios rese quia nandendua. Ae chõ nandemingo nguiã mbae turã ndese co. Ae chõ nandech#ã mbucoi nguiã co. Esp#ritu turã ae nandembia mingo nguiã co. ¹⁸ E# nande mose Cristo je, Dios ia tuchi ra nanderese. Mbia abe ia ra nanderese. ¹⁹ Nande#co turã nda nandechue chã. E# nande nda Jesús ose# ose# uquia nandechue chã. ²⁰ —#Aque soo ra nandech# jẽ! i mose Jesús quiato mo, #ereuch# nda jẽ! Jesús quiato ra eremb#cuã arõte nde eu mose. Mbae turã ja raque mbia chi#u. “E#cuãte”, i mose Jesús quiato mo, eu eã ae. ²¹ Soo Jesús quiato mb#cuã mose, soo ra nandeu eã. Vino Jesús quiato mb#cuã mose, vino nda nandembei eã. Mbae mo Jesús quiato mo mb#cuã mose, nandeoco eã erese nande abe. Mbae mo Jesús quiato mo mb#cha ser# mose Dios #cha si, ãqui ndese nande#coã nande. E# nda #chayã esi. ²² —So o #cuã eã ño ñene, i mose Dios ndeje, echecuachõ ño nguia eu. Endua tuchi mbae mo naa nonde. E#cuã arõ mose ndeje, esaã eã. E#turã mose ndeje, echecuachõ ño eraã. Nde ãqui naa naa mose, ndeya tuchi rae. ²³ Nde ndeiranaã mose mbae mo ndese, esaã eã. —E#turãte ereae. E#cuãte ere no ae, nde i mose eriisu isu, esaã eã

ño. Ndeiranuã eraã ñooño mose, eicuãte ùquĩ. Ndechiisu isu u mose soo, eicuãte ùquĩ. —Eicuãte ereae, nde i mose, ereicochĩ nguiã eu.

15

Nandebi rese ra nandeicochĩ jẽ; nandenongue bi rese quia nandeico

¹ Nande mo Jesús icuat e quia co. Ae Jesús icua tuchiãte quia nae, ùquĩ je nandeico turã jiri ae. Nandembaaquiatu quiatu ae. Nandebi achõ ndese ra nandendua eã. ² Ae nandebite nande ae, ùquĩ ndese nandeicoã. Ae Jesús quiato nongue bite nae, ùquĩ ndese quia nandeico. Ùquĩ mose nandeico nanderesenda mbaaquiatu tuchi Jesús rĩ co. ³ Cristo chee que siquiã ubi rese ra. Sã embesa ji riqui ñee Cristo rĩ no:

Paba, ae ndeucuyãte quia nae, ùquĩ ngue ñee icuã mbeite quia seje ra,

i que Cristo ñee ngu je ra,

i que embesa ji ra. ⁴ Dios cheẽ mbesa ji cose ndare chõ nandembaaquiatusa re. Nandemingo mingue sacuã. Nandembirãcuã sacuã Jesucristo rĩ. Nyebe nandeico nguiã Jesucristo raarõ arõ mingue ã. ⁵ Dios chõ nandemingo mingue nguiã. Dios chõ nandembirãcuã nguiã. Dios nda jemingo turã mbei nyiese Jesucristo cheẽ ndui si chã. ⁶ Ùquĩ mose ra jẽingo ñee turã mbei Dios je. Hue rĩ ja ra jẽingo ndua turã Dios rese. Dios quia Jesucristo ru re.

Dios iate judíos eã ndese

⁷ Sã Cristo nandehi turã no, eĩ jenyẽ si chõ nguia nyiisi turã. Eĩ nda mbia ñee turã Dios rĩ. ⁸ —Eĩ tae

tae, i que Dios judíos i ñiinda ja je cose ra. Nyebe Cristo ru nguiã mbae turã naa naa judíos je cote. —Dios cheẽ iochĩ cote, i nda judíos chã. ⁹ Judíos eã abe mundua sacuaã Dios rese que Cristo ru ra. Dios turã ndese emundua sacuaã ño ngue eru nguiã. Co rei David chimbesa co:

Paba, ndeturã tasenei senei judíos eã je.

Tairasei rasei abe ndeje,

i que David embesa ra. ¹⁰ Co rei embesa ji cheẽ mo cõ:

Judíos eã, jëya chõ Dios rese.

Sã Dios rimba iate erese no, eĩ jenyẽ chõ jẽ abe jëya erese,

i que embesa ji ñee nda. ¹¹ Co rei embesa ji cheẽ mo co no:

Sã mbia ibi jenda ja ñee turã ja Dios riĩ,

i que embesa ji ra. ¹² Isaías que co mbesa ra:

Isaí ririĩ nguia ra mbia judíos eã nderecuarã tuchi cote.

Mbia judíos eã nda “ichõiñosa reã”, i tuchi ee,

i que Isaías embesa Jesús riĩ nda. ¹³ Ñquĩ jëingo Dios icuate ñquĩ. Dios nda jembia tuchi mingo chã. Dios nda jeñia mbucoi chã. Dios ae chõ “Cristo jësaarõ arõ”, i chõ nguiã nandemingo mingue ã. Espiritu Turã ndiqu i nandembirãcuã tuchi ã. Nandembia mingo Cristo raarõ arõ ã.

¹⁴ Seyate aico jendese co, Seresenda. Jëingo turãte quia jenyiese ñquĩ. Mbae jëicua tuchite cote. Jẽ ae jëingo ñmbaaquiato quiato turã jenyue ñquĩ.

¹⁵ Aireĩ ireĩ ãte ã mbesa jëje, Seresenda. Jëtesareia sacuaã ã si. Dios turã ae ngue seirabo nguiã. Mbia mbesarei eã sacuaã Jesús cheẽ si. ¹⁶ Dios que seirabo Jesucristo rimbarã nda. Ucheẽ nenei

nenei sacuã mbia judíos eã je. Mbia judíos eã secheẽ isi turã mose, Espíritu Turã nda emingo icúe Dios mbaerã cote. Ñquĩ mose ra Dios judíos eã isi turã cote. ¹⁷ Se Dios cheẽ nenei nenei mose mbia je, mbia que siqui tuchi erese secheẽ nguire ra. Nyebe ñquĩ ndiqui nguiã sembia tuchi. ¹⁸ Jesucristo que sembirãcuã nda. Ucheẽ nenei nenei sacuã judíos eã je. Nyebe judíos eã ndiqui nguiã siqui tuchi Dios rese cote. Secheẽ nguire cote. Sechisaã ndese abe maende cote. Mbae mo ñi abe ra acheẽ iã cote. Jesucristo que sembirãcuã, ñquĩ mi ño aico nguiã ñee jẽje a. ¹⁹ Espíritu Turã ngue uquirãcuã mee seje ra. Nyebe aico nguiã mbia mae sayã naa naa tuchi mbia je. Ñquĩ mos e que mbia riqui tuchi Dios rese cote ra. Jesucristo cheẽ ngue asenei senei Jerusalén nda. Mbia mangue choñoa jenda je abe. Ilírico jenda je abe. ²⁰—Ae mbia riqui Jesucristo cheẽ nenei nenei eãte nae, huee Jesucristo cheẽ tasenei senei se, ae que se ra. Emo Jesucristo cheẽ nenei neneisa, huee taico bei eã, ae que se ra. ²¹ Sã embesa ji riqui ñee no:
Ae jiranuãte quia Cristo rese, ñquĩ nda jirandu erese cote.
Ñquĩ nda eicua cote,
i que embesa ji ra.

Aso ra Rómaa, i Pablo

²² Ae mbia riqui Dios cheẽ nenei nenei eãte, huee quiatu ngue aico nguiã Dios cheẽ nenei nenei. Nyebe aico nguiã osoãte jendea. ²³ Cose ndarechõ mbei chõ aico rei nguiã “taso jendea”, i. A jenda mbia que Dios cheẽ ñandu tuchi cote ra. Nyebe taso jendea cote. ²⁴ Seso mose España

nda aso jendea. Sembia jiri sacuã jendese. Taico mbirĩ na jendese huee. Jẽ nda sembucuata turã mondo hue si cote chã. ²⁵ Jerusalén nane nda aso. Ofrenda mo arao quia Jesús quiato je co. ²⁶ Jesús quiato Macedonia jenda que ofrenda munua nua nda. Jesús quiato Acaya jenda rese. —Jesús quiato mbaecha reã je mbae nandemondo rã Jerusalén jenda je, i que ñee nyue nyii ra. Ñquĩ ño arao nguiã co. ²⁷ Coche ñquĩ ndiqui nguiã mbae mondo judíos Jesús quiato je. Judíos rane nguia Dios chee senei senei tare nguiã judíos eã je. Nyebe ra judíos eã mbae mo mondo judíos Jerusalén jenda je cote. ²⁸ Nyebe ra ofrenda munua ji arao ee. Jesús quiato mbaecha reã je. Aquere ra aso España quitu cote. Aicha ra ñeenda cúa si mae jendese. ²⁹ Jesucristo ra semondo turã jendea. Ae ra nandembia ja uturã je. ³⁰ Seresenda, Jesucristo quiato quia jẽ nde. Espíritu Turã ño jembuchesequa nguiã jenyiese ñquĩ. Nyebe jeñee tuchi quia Dios je serĩ. Nandechee ja tuchi quiatu ee serĩ. ³¹ —Paba, mbia icuã Judea jenda esiquisã Pablo si. Paba, ndequiato Jerusalén jenda nda ofrenda isi turã Pablo si chã, jenze chõ Dios je. ³² Ñquĩ mose ra seya tuchi mae jendese cote, Dios “eno” i mose seje. Jendese seico mose ra sequenea aucua tuchi cote. ³³ Sã Dios riqui bei jendese. Sã eriqui jembia.

16

Pablo saluda i ja mbia je

¹ Febe jëisi turã ño. Jesús quiato chõ aque cuña nde. Mbae turã esaã saã mbeite quia Jesús quiato Cencrea jenda je aque. ² Jëisi turã ño nguia Jesús

riĩ. Sã Jesús quiato riqui nyiisi turã no, eĩ jenye chõ Febe isi turã no. Ae que mbae turã saã saã mbeite Jesús quiato je ra. Seje abe no. Nyebe jêturã ño jẽ abe ee. ³ Aquila je saludar jenye rã seje. Eninisi Priscila je abe no. Serese que ũquĩ ndiqui Jesucristo cheẽ nenei nenei tuchi ra. ⁴ Mbia que eiquia serĩ serĩte rei quia serĩ nda. Siquicheã mbeite que equia ra. Nyebe aico nguiã gracias i tuchi ee. Se ae eã. Jesús quiato judíos eã abe riqui gracias i jate ee ã. ⁵ Ae Jesús quiato ñumunua nua nguia Aquila chuchua, ũquĩ je abe saludar jenye. Epeneto je abe saludar jenye. Sequiatio tuchite que aque ra. Ae rane ngue Cristo isi Acaya jenda ra. ⁶ María je abe saludar jenye. Ae que mbae saã saã tuchi Dios je jësaa ra. ⁷ Andrónico je abe saludar jenye. Junias je abe. Se sí chõ ũquĩ nde. Serese que etarõ ji riqui cárcel nda. Dios cheẽ nenei neneisa tuchi chõ ũquĩ nde. ũquĩ nane ngue Cristo icua sesi cose ra. ⁸ Amplias je abe saludar jenye. Sequiatio tuchi chõ Dios resenda aque re. ⁹ Urbano je abe saludar jenye. Ae que Dios cheẽ senei senei nguia urerese ra. Sequiatio Estaquis je abe saludar jenye. ¹⁰ Apeles je abe saludar jenye. —Seicuaasa tuchi Apeles riqui co, i que Dios Apeles riĩ nda. Aristóbulo chuchua jenda je saludar jenye seje. ¹¹ Herodión je abe saludar jenye. Se sí chõ ae re. Narciso chuchua jenda, ae Jesús quiato nae, ũquĩ je saludar jenye. ¹² Trifena je abe saludar jenye seje. Trifosa je abe. ũquĩ ndiqui mbae raã naa tuchi Dios je ũquĩ. Nandequiatio Pércida je abe saludar jenye. Ae que mbae saã saã tuchi quia

Dios je ra. ¹³ Rufo je abe saludar jenyē. Dios chiirabo tuchi chõ ae re. Esi je abe saludar jenyē. Taĩ na tuchi que eriqui seje ra. Mbae que esaã ja tuchi quia seje ra. ¹⁴ Asíncrito je saludar jenyē seje. Flegonte je abe. Hermas je abe. Patrobas je abe. Hermes je abe. Ae Jesús quiato riqui ũquĩ ndese, ũquĩ je abe saludar jenyē. ¹⁵ Filólogo je abe saludar jenyē. Julia je abe. Nereo je abe. Enongue je abe. Olimpas je abe. Ae Jesús quiato riqui ũquĩ ndese, ũquĩ je abe saludar jenyē. ¹⁶ Jenyiquiaama ama saludar i nyue. Tuchuamo jenda ja Cristo quiato riqui saludar i jẽje ã.

¹⁷ Huee emo ndiqui Jesús quiato mbĩcuã sete hue. Hue emo ndiqui “Jesús quiato tambĩcha Jesús si”, ite hue. Jenyĩcuasẽ ño nguia ũquĩ si. Jesús cheẽ ndui si eã ño eriqui nguia mbia mbaaquiātu quiātu ũquĩ. ¹⁸—Ae Jesucristo bite, ũquĩ nandesã saã, iã ño nguia ũquĩ. Ubi achõ ño esaã saã nguia ũquĩ. Echeẽ turã aba reã ño eriqui nguia mbia je ũquĩ. Ae Jesucristo icua tuchi eãte quia nae, ũquĩ mbĩrĩ irĩ ño nguia ũquĩ. Jenyĩcuasẽ tuchi chõ nguia ũquĩ si. Aba mbĩrĩ irĩsa tuchi chõ ũquĩ nde. ¹⁹ Jẽ ngue Dios cheẽ jemumbayãte ra. Mbia que jirandu jate jendese ra. Nyebe seyate riqui nguia jendese co. Jẽingo bei nda equia mbae turã ndese chã. Mbia nda jembĩrĩ irĩ eã jiri quia mbae icuã je chã. ²⁰ Dios quiarei aba mbiasa. Namó jiri ra ae Satanás ndiquisã mbei jẽsi cote. Sã Jesucristo riqui turã mbei jẽje.

²¹ Timoteo ucheẽ mondo quia saludar i jẽje aque. Siqui beite equia serese Dios cheẽ nenei nenei co. Lucio abe ucheẽ mondo quia saludar i

jêje aque. Jasón abe no. Sosipáter abe no. Se sí chõ ùquĩ nde.

²² Se abe secheẽ amondo quia saludar i jêje aque. Tercio rei se. Se chõ aico nguiã Pablo cheẽ mbesa mbesa jêje co. Jesús icuasa ja chõ nande re. ²³ Gayo abe ucheẽ mondo quia saludar i jêje aque. A aico rã echuchua uque a. Jesús quiato chumunua nuasa bei chõ a re. Gayo chuchua. Erast o abe ucheẽ mondo quia jêje aque. Ae chõ tesorero sucha tubiriã jenda je. Cuarto nandequiato abe ucheẽ mondo quia jêje aque. ²⁴ Sã Jesucristo riqui jendeaquiatu turã mbei. Amén.

Pablo ñee hui bei sacuã cote

²⁵ Nandechẽ turã mbei chõ nguia Dios rĩĩ. Ae ra jembirãcuã tuchi mingo ucheẽ turã je. Echeẽ turã ngue asenei senei nguia Jesucristo rĩĩ nda. Aque cheẽ turã ngue mbia icuayãte quia cose nyii ra. Dios que embuchecua eã mbei mbae ao ramo mosenda bei ra. ²⁶ Namo ño Dios ucheẽ turã mbuchecua nguiã mbia je cote. Jesucristo rĩĩ. Dios cheẽ nenei neneisa que echeẽ mbuchecua nande je cote ra. Mbesa que nande je ra. Dios que ñee seje ra. —Secheẽ turã esenei senei mbei quia mbia jaje cote. Siqui sacuã secheẽ ndese. Secheẽ mumbayã sacuã, i que Dios seje cote ra. ²⁷ Dios mĩĩ nguiarei siqui bei. Dios mĩĩ ño mae ja nguiã mbae ja rese. Sã Jesucristo riqui mbia mbucheẽ turã mbeite Dios rĩĩ. Amén.

Mbia Cheë
New Testament in Sirionó (BL:srq:Sirionó)

copyright © 1977 Wycliffe Bible Translators, Inc.

Language: Sirionó

Translation by: Wycliffe Bible Translators, Inc.

Sirionó [srq], Bolivia

Copyright Information

© 1977, Liga Bíblica Mundial del Hogar. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Sirionó

© 1977, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
eb2687f2-4654-5d43-8ec2-3ee35e8a435e